

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

### Правила пользования


Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.


### О программе

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.









Édition inconnue  
à Gresse, Bannet, Baudrier,  
etc.

1 vignette et 8 bois

1250  
810563













LE  
**MIROVER D'OR**  
 DE L'AME PE-  
 CHERESSE.



Auquel elle peut contempler la misere & calami-  
 té de la vie humaine, & les vanitez du monde,  
 pour estre redressée à la lumiere de Justice &  
 verité, moyennant la grace du S. Esprit.



A LYON,  
 PAR BENOIST RIGAUD.

1578.

## La Table de ce present liure.

De la vilité, & misere de l'homme.	Chap. I.
De peché en general & de ses effectz.	Chap. II.
Comment on doit tost & en diligence faire pen- tence.	Chap. III.
Comment on doit fuyr le monde.	Chap. IIII.
Des fauces richesses & vains honneurs du monde.	Chap. V.
Comment on doit tousiours craindre la mort.	Chap. VI.
Des ioyes de paradis & des peines d'enfer.	Chapitre. VII.

## Le Prologue.

**E** present liure est appelle le mirouer d'or de l'ame pecheresse: lequel a esté translaté à Paris de Latin en François & apres la translatiō. veu & corrigé au long par plusieurs docteurs en Theologie. Au commencement duquel liure le sage dict en son liure nommé Ecclesiastique considerant la misere & fragilité de ce monde il dict que c'est vanité de toutes vanitez, & toutes choses qui sont au monde present sont & doibuent estre dictes & appellees vanitez. Et pourrant dict monseigneur saint Gregoire qu'il n'est point de plus acceptable sacrifice à Dieu que le zele, qui est à dire l'amour des ames. Pour laquelle chose j'ay voulu faire & compiler ce present traicté en cueillant & assemblât en plusieurs & diuerses auctoritez des saints docteurs de sainte Eglise. Affin que la pauvre ame pecheresse par la fraude de l'enemy ne soit vaincue, mais cuyde par les saintes admonitions & auctoritez estre dirigee & dressée à la lumiere de iustice & verité moyennant la grace du saint Esprit. Ainsi que l'ouaille perie est reduicte & ramenee à son vray pasteur. Et ainsi pareillemēt à celle fin que la pauvre ame r'adressée & de son erreur reuocquee congnoissante de son peché par intrinseque douleur de contrition, soy conuertissant à Dieu, & icelle conuertie face penitence tant que finablement puisse avec tous les Saints la vie eternelle posseder. Et cōme dict Chrysostome puis que ainsi est que de iour en iour nous abuse & deçoit la vanité de toutes vanitez ceux & celles qui es de-

lices de ce monde conuerfent & font adōnez, deuf-  
 sent en leurs yestemens & en leurs portes & parois  
 de leurs maisons efcrite & faire paindre principal-  
 lement en leurs consciences celle belle auctorité.  
*Vanitas vanitatum & omnia vanitas.* Affin que souuēt  
 & de iour & de nuict l'eussent deuant leurs yeux &  
 aussi en leurs cœurs la sentissent. Et pourtant que  
 plusieurs painctures & images de folles plaisances  
 deçoient ceux qui se delectent il est conuenable &  
 salutaire en routes compagnies tant en mangeant  
 que en beuuant souuēt chanter & reciter ee present  
 dicte: Vanité de toutes vanitez & toute chose est va-  
 nité. Car certainement ainsi que dict Chrysostome  
 routes choses se passent fors l'amour & seul seruice  
 de Dieu. Et pour congnoître l'ordre & maniere de  
 proceder en ce petit liure. Il est assauoir qu'il sera di-  
 uisé en sept chapitres selonc les sept iour de la sepmai-  
 ne affin que l'ame pechereffe par peché deturpee &  
 souillee puisse par chascun chapitre Mirouer  
 nouveau trouuer pour sa face  
 de iour en iour mirer &  
 considerer.

§

La

# LE MIROVER D'OR

de l'ame pecheresse.

*De la vilité & misere du monde. Chap. 1.*



**L**E prophete Hieremie considerât la fragilité & misere de la creature humaine par maniere de lamentation s'eserie disant en ceste maniere Helas moy pauvre creature pour quoy suis ienné hors du vêtre ma mere pour veoir le labeur & douleur de ce monde & mes iours consumer en confusion. Helas se le saint hōme Hieremie lequel Dieu auoit sanctifié au ventre de sa mere luy mesmes dit & profero si piteuses parolles, que pour

ray ie dire de moy qui suis au ventre de ma  
 mere engendré & conçu impecché. Et à  
 ce propos dict monseigneur saint Bernard:  
 Estudie à congnoistre toy mesmes, car c'est  
 chose plus louable à toy de bien te con-  
 gnoistre, que ne seroit de congnoistre le  
 cours des estoilles, la force des herbes, les  
 complexions de tous les hommes, les natu-  
 res des bestes, la science de toutes choses  
 terrestres, & qu'en cela congnoissant tu  
 descongneusses toy mesmes. Or considere  
 & regarde donc toy homme mortel & mi-  
 serable que c'estoit de toy deuant ta natiui-  
 té, & que c'est de toy apres ceste vie mortel-  
 le. Certainement tu as esté des ton cōmen-  
 cement chose vile, puante, detestable, &  
 abhominable, conçu en ordure & en pour-  
 riture de chair, & en puanteur de concu-  
 piscence charnelle & embrassemēt de puant  
 te luxure. Et qui pis est tu es cōçeu en souil-  
 leure & macule de peché. Et se tu regardes  
 & consideres bien de quelle viande tu es  
 nourry au ventre de ta mere tu trouueras  
 que la nourriture à esté de sang infect &  
 menstrueux lequel cesse en la femme apres  
 qu'elle à conçu, affin que d'iceluy soit l'en-  
 fant nourry, lequel son vêtre à conçu. Du-  
 quel

quel sang disent & reciteñt plusieurs grans philosophes & autres clerchez qu'il est si vil detestable & ord que par son attouchemēt les bledz en perdēt leur germe & les arbres en seichent & en perdent leurs fruietz, les herbes en meurent & se les chiens en mangeoyent ils deuiendroyent enragés: & apres la natiuité toy qui as esté nourry au ventre de ta mere de si ville & orde matiere comme deuant est dict tu es baillé pleurant & villāt en calamitez miserables & exil de ce dolent monde, & qui plus griesue chose est à dire subiect à la mort à laquelle vn chascun vray chrestien doit de iour en iour mediter & penser. Regarde dono en toy mesmes & cōsidere que entre toutes les choses que Dieu à creées & formées l'homme est cree & formé de la plus ville & orde matiere c'est assauoir du limon de la terre laquelle est moins digne de tous les elemens: Dieu à faict les planettes & estoilles de la nature & participatiō du feu, les vents & les oyseaulx de l'air, les poissons de l'eau. Les hommes & les autres bestes de terre. Or cōsidere les choses aquatiques tu te trouueras plus vil. Regarde les choses faictes de l'air, tu te trouueras plus vil. Et quand tu cōgnistras les au

tres corps qui du feu ont esté faictz & produictz, tu te cognoistras entre toutes creatures & te repateras tres vil & miserable, & ne te voudras ou pourras dire semblable es choses celestes, tu n'auras hardiesse de toy proferer es choses terriennes : mais se tu veux à aucune des creatures toy comparer, compare toy es bestes brutes & tu te trouueras à elles semblable & de condition pareille. Car ainsi que dict le sage Salomon, L'homme & les bestes brutes de terre sont venuz, & en terre semblablement retourneront. Congnois donc en ce monde combien tu es noble y & garde que la beauté, la louenge du peuple, la force & la chaleur de ta ieunesse les richesses & honneurs ne te gardent de cognoistre ta vilité & naissance. Si plus à plein tu desires scauoir que c'est de toy, escoute l'estoille des docteurs saint Augustin parlant en ceste maniere. Helas miserable creature que suis-je : qu'est-ce que de moy. Certainement ie suis un sac plein de fumier & de pourriture plein de puantise & de horreur, aveugle, pauvre, nud & subiect à toutes miserables necessitez & tribulations, ignorant mon entree, & descongnoissant mon issue miserable & mortelle. Duquel les

iours



iours se passent soubdain & leger cōme l'om-  
 bre. Duquel la vie est cōme verte fuëille en  
 l'arbre qui par petite chaleus du soleil est  
 tātost seiche, & de petit vent abbatue & ra-  
 uie : Le suys terre de misere: filz de ire, vais-  
 seau plein d'orgueil, engédre par immundi-  
 cité & ordure & viuant en misere, en peine,  
 & anguoisseuse douleur. Auquel propos  
 diēt mōseigneur sainēt Bernard que l'hōme  
 n'est autre chose que escume orde & puāte:  
 sac plein de pourriture, viande à vers. Et  
 pour ceste chose te mōstre par experiēce re-  
 garde & confidere ce qu'il sort hors de ta  
 bouche, de ton nez, & de tes autres cōduicts  
 de ton corps que iamais en fumier ne fut  
 trouuē chose plus ville. De laquelle chose  
 pape Innocēt disant ainsi. O ville & indigne  
 condition humaine regarde les arbres. Ilz  
 produisent d'eux brāches, fleurs & fruitz:  
 & tu produys de toy lentes, & puāte vermi-  
 ne. Ilz produisent d'eux vin, huylle, & bas-  
 me precieux. Et tu produys de toy crachas,  
 vrine, fiens, & pourriture. Ilz fleurēt & odo-  
 rent doulceur & suauité, & tu rēs de toy ab-  
 hominatiō & puanteur & ne scaurois autre  
 chose rendre né produire de toy, car de tel  
 arbre tel fruit. Et l'hōme n'est autre chose  
 selon

selon la forme fors vn arbre reuerſé duquel  
 les cheueux ſont les racines, le tronc en eſt le  
 col & la teſte, & l'eſtoc eſt la poitrine & les  
 aiſſelles, les groſſes branches ſont les bras &  
 les iâbes, & les petites ſont les doigtz & les  
 orteilz, & en la verité l'homme eſt cōme la  
 fueille qui du vent eſt route rauie & ſeichee  
 du ſoleil, duquel diēt Iob. L'homme naſquy  
 de la femme, viuant par briefue eſpace de  
 temps, & réply de moult de miſeres, lequel  
 vient & croiſt cōme la fleur qui ſoubdainement  
 eſt abbatue & fuyt & paſſe cōme l'ombre  
 qui iamaiz en vn meſme eſtat ne demeure.  
 Dōt il eſt eſcript au 3. de Geneſe q̄ Dieu  
 diſt à l'homme, remēbre toy que tu eſ poul-  
 dre & en pouldre retourneras. Et pourtant  
 diſt Iob. Sire remēbre toy que tu m'as faiēt  
 cōme bouē, & en pouldre me reduiras. He-  
 las pauvre creature: toy qui n'eſ que lymō,  
 ordure & bouē te doibs tu enorgueillir, toy  
 qui n'eſ que pouldre te doibs tu eſleuer, toy  
 qui n'eſ que cēdre, te doibs tu glorifier, ven  
 & conſideré que tu fuz en peché conçu, ta  
 natiuité en peine & trauail, & ta vie en la-  
 beur & miſere, à mourir neceſſairemēt obli-  
 gé. Helas pourquoy nourris tu ta chair de  
 viâdes delicieuſes, & la pare & aorne de ri-  
 cheſſes

chesses & precieux habitz quand dedās peu  
 de iours les vers te deuoreront, & ne faictz  
 compte de aorner ta pauvre ame de bonnes  
 œuures & operatiōs laquelle se à toy ne tiēt  
 doibt estre à Dieu le createur, & à ses anges  
 en la gloire des cieux. Pourquoy vilipende  
 tu ton ame & laisses & souffre ta dictē chair  
 seigneurier & gouverner. Congnois que  
 c'est grande & folle abusio de faire la chā-  
 beriere maistresse & la maistresse chāberie-  
 re. O ame tu as vn ennemy domestique, Tō  
 amy aduersaire qui te rēd & retribue le mal  
 pour le bien: & soubz espece de bien, est ton  
 cruel ennemy. O chair mauidicte & malheu-  
 reuse toutes les fois que tu quiers te paistre  
 & nourrir delicieusemēt, tu dresse & eslicue  
 cōtre toy tō ennemy mortel: toutes les fois  
 que tu te pare & aorne de diuers habitz &  
 vestemēs precieux: tu arme cōtre roy tō en-  
 nemy, & te despouille de tous les beaux &  
 precieux vestemens celestielz. O pauvre  
 pecheur considere & regarde que tu feras,  
 & que tu deuendras apres ceste vie mortel-  
 le. Certainement tu seras charongne puante,  
 pourrie, & miserable, viande & pa-  
 sture de vers, regarde les sepulchres & tom-  
 beaux de ceux qui sont ysluz de ceste mor-  
 telle

telle vie, & tu ne trouuetas autre chose que  
 cendre. & vermine, horreur, & puantise. He  
 las ilz ont esté telz que tu es, tu seras tel cō-  
 me ilz sont. Ilz ont esté comme tu es, ilz ont  
 beu & mangé, ris & chanté, & passé temps  
 en ioye & delict de ce monde: & en vn mo-  
 ment sont descendus es enfers. La chair est  
 demouree aux vers, & la dolente amie est de-  
 pütée à estre piteusement traictée au feu  
 d'enfer, & tormentee iusques au grant iour  
 du iugemēt: apres lequel iour corps & ame  
 seront en eternelle damnation ensemble  
 ensepueüz. Or voyons combien à prouffité  
 aux pecheurs malheureux la vaine gloire  
 de ce monde: car ceux qui ont esté compai-  
 gnons es plaisances & delices de ce monde,  
 sont en pareille peine ensemble tormentez.  
 Que leur à prouffité & valu leur brifue lies-  
 se, la plaissance du monde, ne les delices de  
 la chair, & la grande concupiscence des fai-  
 ces richesses. Dy moy ou sont maintenant  
 leurs ris, ou sont maintenant leurs lyes-  
 ses, leurs ieux, & leurs vanitez arrogantes. O  
 quelle douleur intolerable d'estre venu de  
 si grande lyesse à si grāde & amere destres-  
 se: & pour si peu de temps de voluptez &  
 delices estre cheuz & trebuechez en peine  
 de

de eternelle duree. Pense doncques & pre-  
 medite souuēt en ton cœur q̄ tout ainsi que  
 leur est aduenu il te peut aduenir, car tu es  
 homme. L'homme est de terre, du limon  
 de la terre. Et pourtant es tu terre, & en ter-  
 re retourneras quand viendra l'heure de ta  
 mort, laquelle est incertaine, & ne sçez  
 quand ne comment, ne en quel lieu: car la  
 mort tousiours & en chascun lieu te guette  
 & attend. Et pource si tu es sage tu l'atten-  
 dras tousiours & en chascun lieu. Et de ceux  
 qui aymēt tant les plaissances du monde par-  
 le. Isidore en ceste maniere. Treschers amys  
 nous debuons bien penser que la felicité de  
 ce monde est briefue & de peu de duree: car  
 bien la gloire de ce siecle est petite, & com-  
 bien la puissance temporelle est fragile &  
 caduque, Or de present que peulx tu pen-  
 ser: pense ou sont les Roys: ou sont les prin-  
 ces, ou sont les Empereurs, ou sont les ri-  
 ches & puissans de ce monde. Ilz sont passez  
 ainsi que l'ombre & comme le dormir sont  
 esvanouyz. On les querret & demande, & ilz  
 ne sont plus. Mais que ditons nous outre.  
 Les Roys & Princes sont mors lesquels plu-  
 sieurs d'iceux pensoyent longuement viure  
 & cuydoient estre ainsi comme hommes à  
 qui

qui la mort ne peut nuire. O malheureux miserables & abusez pecheurs il n'est pas ainsi ordonné, & si vous mourez en peché, en enfer vous cherrez. Sainct Bernard parlant de la condition de l'homme apres la mort dist qu'il n'est riens plus puant que charongne humaine ne aussi riens plus horrible que l'homme mort. Car celuy de qui la vie & les accollemens & embrasemens estoient doux & plaisans, est en la mort horrible à regarder & detestable. Et pourtant dist il que apres l'homme mort, vers apres les vers puanteur & horreur. Que prouffissent doncques en ce present monde richesses, delices, & honneurs? Les richesses ne deliurent point l'homme de la mort, Les delices ne deliurent point l'homme des vers: Ne les hōneurs de pourriture. Et de cecy mesmes dist saint Iean Chrysostome. Combien à prouffité ceux qui en luxure & aux voluptez du corps sont demourez jusques au dernier iour de ceste presente vie. Regarde en leurs sepulchres se tu y trouueras point d'enseigne de vantance, ou certain signe apparoissant de luxure & de richesses, Enquiers & regarde se tu trouueras nulz signes de beaux & pre

& precieux vestemens & de riches aorne-  
 mens. Ou sont maintenant les abundances  
 des mondaines plaisances. Ou sont les grâs  
 disners. & leurs abundances d'oyseaux, de  
 chiens, de chatz, ilz y prenoient plus grans  
 plaisirs que à seruir Dieu & dōner aux pau-  
 ures. Ou sont leurs pōpes, leurs ioyes, leurs  
 soulas: leur immoderee & effrenee lyesse ou  
 est elle, & ou sont ilz? Pour toute memoire  
 & souuenance tu trouueras en leur tōbeau  
 vermines & cendres puantes. Recorde toy  
 donc que telle est la fin de tes plus riches  
 amys: iacōit ce qu'ilz ayent passé leurs iours  
 en lyesse & delices de ce monde. Or pleust  
 il à Dieu que tu pensasses de cœur parfait  
 en labour & continence toutes ces choses  
 caduques & trāsitoires. N'as tu pas veu du  
 fāt le temps de ton aage aucunes gens non  
 trop pauues, ne trop riches, tant par suc-  
 cessiōs que par mariages, ou par quelque au-  
 tre voye sont deuenuz très riches à merueil-  
 les. Pour lors par aduancure ont ilz remer-  
 cie Dieu: mais ce n'a gueres duré: car tost  
 apres ilz ont delaisse Dieu & ne leur a sou-  
 uenu du benefice qu'il leur a fait: mais ce  
 sont adonnez à pompes & vanitez mondai-  
 nes, tant en ieux, qu'en paillardises & abho-

mina

minations mondaines: mesmement que par  
 leur orgueil sont venuz iusques à contēner  
 & mespriser leurs pauvres voisins, & leurs  
 seruiteurs & seruantes: & pareillement ne  
 tiennent compte des pauvres de Dieu pour  
 leur dōner l'aumosne, dont en la fin deuie-  
 nent pauvres & miserables, quasi iusques à  
 leur pain querir: & en dāger d'estre damnez  
 apres leur fin. Et pourtant se veux en ton  
 cœur par meure deliberation ronger & con-  
 siderer la vilité il conuient fuyr orgueil &  
 suyuir humilité, & auoir congnoissance que  
 orgueil est le signe par lequel le diable diui-  
 se & separe & cōgneist les siens des autres.  
 Dequoy dict Iob au. 45. chapitre. Le dia-  
 ble est roy dessus tous les filz d'orgueil. Et  
 saint Gregoire dict que le cruel signe des  
 mauuais est orgueil: & le signe des bons, est  
 humilité. Et à ces deux signes sont cōgneuz  
 les seruiteurs de Dieu, & du diable. Et pour-  
 tant dict Iudon que l'ame de l'orgueilleux  
 est de Dieu delaissee, & est faicte habitacl  
 des diables. Au quel propos dict le sage que  
 orgueil est le hayr de Dieu & des homes ain-  
 si qu'il appert: car orgueil getta hors Luc  
 fer du ciel & Adā hors de Paradis nostre Roi  
 Orgueil fist noyer en la mer Pharaon & son



re son armee. Orgueil mist Saül hors de son royaume. Par orgueil fut trāsmué Nabugodonosor en beste. Par orgueil Anthiocus souffrit mort vilaine. Et par orgueil eut Herodes la persecution de l'ange.

*De peché en general, Chap. II.*



**C**eluy qui cōmet peché, est seruiteur du diable, lequel du commencement commist peché. Et ainsi qu'il est escript en la premiere canonicque de Sainct Iean au iij. chapitre. Peché est vn fais pesant, lequel le ciel ne soustient point: n'en la fin la terre ne le soustiendra point. Mais descendra en enfer avec celuy qui la cōmis. Et debuez scauoir ainsi que dict monseigneur saint Augustin que toute chose dicte ou faicte par concupiscence desirée contre la foy de Dieu est peché. Laquelle chose toute creature qui veut & desire son sauement doit en toute diligence fuyr & euitier. Et principale-  
b ment

ment pour trois choses. La première est, pource que peché desplaist fort à Dieu. La seconde pource que peché sur toutes choses plaist aux diables. Et la tierce chose est pource que peché sur tout nuist à l'homme. O pauvre pecheur & homme miserable ie te dis premièrement que tu dois en souveraine diligence fuyr & eiter tout peché, pource que c'est chose à Dieu ton createur trop fort desplaisante. Ainsi que tu pourras cōnoistre en cōsiderant & pensant ce que Dieu a faict pour la haine & destruction de peché: car nostre createur pour la desplaissance de peché a dissipé & mis à fin presque toutes ses œuvres, C'est assavoir tout le monde par deluge: ainsi qu'il est escript au liure de Genèse. Et dois congnoistre que Dieu n'est pas ainsi comme les autres Roys & puissans princes, lesquels destruisent & gastent les terres de leurs ennemis pour les dommager. Car Dieu a dissipé & degasté sa propre terre seulement pour la desplaissance de peché qui estoit entré dedans. Et outre plus Dieu n'a pas seulement en desplaissance peché: mais avec ce tout luy desplaist qui touche ou participe de peché. Et si dois congnoistre  
que

que Dieu n'est pas comme les hommes qui ne gettent pas en la mer ne leurs potz ou vases d'or ou d'argent pour le vin corrompu qu'on a mis dedans. Car ilz mettent & gettent dehors le vin puant & infect en gardant les vaisseaux sans les perdre. Mais Dieu ne fait pas en ceste maniere de peché, Car il ne gette pas ne desprise seulement peché : mais avec ce gette & met à perdition les vaisseaux de peché. C'est assauoir les creatures raisonnables qui sont ames creées à sa propre semblance & à son image, & de son propre & precis sang rachepées de dampnation eternelle. Lesquelles pauvres ames il gettera en la grande & treisparfonde mer d'enfer. Et pourtant il est dict au liure de sapience ix. chapitre. Le pecheur & son peché sont sur toutes choses en la haine de Dieu. Car Dieu n'a si bon amy soit au ciel ou en la terre qu'il ne hayst iusques à la mort s'il y trouuoit vn seul peché mortel. Et pourtant le saint Pierre fust mort en peché de tierce negation nonobstant qu'il aymast nostre Seigneur Iesus-Christ plus ardemment que nul des autres apostres il eust esté comdagné par iustice diuine de Dieu le tout puissant.

fant. Secondement il nous est bien démon-  
 stré combien Dieu a hay peché quand pour  
 les pechez du monde son seul filz pur & net  
 & innocent a voulu permettre mourir par  
 teufemēt, laquelle chose te moingne Elaye  
 le prophete en son liure. 54. chapitre disant  
 J'ay liuré & baillé mon filz à mort pour le  
 peché du peuple. Car le filz de Dieu ainsi  
 qu'il est escript au mesme liure de Elaye. 51.  
 chapitre. A voulu liurer son corps à mort  
 pour occire & destruire peché. Or conside-  
 re qui est celuy en terre qui pour hayne de  
 son ennemy voulust faire mourir son seul  
 & propre filz. Tiercement ceste chose est  
 demonstree en tant que Dieu des le com-  
 mencement du monde persecuta peché &  
 le mist hors de son ciel. Et voyant Dieu  
 qu'il estoit demouré en terre, luy en propre  
 personne voulut du ciel descendre au mon-  
 de pour en chasser & mettre hors peché,  
 & au bout du monde il gettera & enclorra  
 peché dedans enfer. Pourtāt est dict en Mi-  
 chée au dernier chap. Il gettera au fondz de  
 la mer noz pechez. Car Dieu au grand iour  
 du iugemēt gettera au parfond d'ēfer les pe-  
 cheurs avec leurs pechez. Quatterment que  
 Dieu l'ayt en detestatiō il appert par ceste  
 simi

similitude. La bonne mere auoit amèrement  
 la chose en haine pour laquelle elle met-  
 troit son enfant en feu ardent & jamais el-  
 le ne l'en osteroit. Tout ainsi est-il de Dieu  
 tout puissant car nonobstant qu'il ait aymé  
 ses enfans d'amour si ardens que pour eux  
 il a voulu mourir, quand ce viendra au jour  
 du iugement il les condamnera en feu inex-  
 tinguible s'il trouue en eux vn seul peché  
 mortel. Or si tu es en quelque danger de  
 - En pourtant donc, toy pauvre ame per-  
 cheresse tu as veu & entédu combien Dieu  
 à en haine peché & en abomination par  
 quoy le peché te plait à Dieu deuant toute  
 éternité. Tu dois fuyr & euitier peché, & ne  
 luy donner en toy lieu ne habitation: car  
 tū dois scauoir que la femme seroit moult  
 desloyalle qui voudroit coucher en son lit  
 vn lionne lequel pour chasser la mort de  
 son mary, & par lequel plusieurs maux luy  
 pourroyent aduenir. Or est il ainsi que pe-  
 ché est la chose que nostre Seigneur Iésus-  
 Christ vray espoux des ames les à tant vou-  
 lu aymer qu'en se gettant peché plusieurs  
 maux luy sont adueniz, & finalement la  
 mort. Et pourtant chet amy pense à bon fon-  
 uement en fuyant peché, & euitier l'admon-

nijon de Dauid le prophete lequel dist en  
 ceste maniere. O mon Dieu tout puissant  
 donne moy cœur ferme, pur & net, & vueil  
 les innouer & renoueller mes entrailles  
 de ton saint & sacré esperit. Secondement  
 tu doibs souverainement & en toute dili-  
 gence fuyr le peché, & principalement pe-  
 ché mortel: pour cause qu'il plaist plus au  
 diable & qui plus le resiouyt ainsi que tu  
 pourras congnoistre par trois signes. Le pre-  
 mier est: que le diable ne demande qu'au-  
 tre souldas, autre gain, autre or, ne autre ar-  
 gent que les ames. Dont il est escript au  
 chapitre de Genese, que le diable parlant à  
 Dieu luy disoit en ceste maniere. Donne  
 moy les ames de tes creatures, & tout le dé-  
 mourant prés & attribue à toy. Et aussi mon-  
 seigneur saint Gregoire dist en ce passage  
 que le diable ne se iuge ou estime point d'a-  
 uoir riens fait qui luy plaist, s'il ne mure  
 l'ame du mortel dard de peché. Car il est  
 ainsi comme l'oyseau de proye qui ne cher-  
 che ou demande que le cœur pour sa refe-  
 ction. Aussi le diable, de toutes choses en  
 l'homme ne demande que l'ame. Le second  
 signe est que le diable sur tout desir & aym-  
 me peché pour sa continuelle tentation car  
 non

en

en commettant & en perperrant peché par  
 l'espace de bien six mille ans & plus iamars  
 n'en fut fache ne trauaillé. Mais veut tou-  
 iours cercher & enquerir nouvelle maniere  
 de faire à la creature humaine commettre  
 aucun peché mortel. Pourtant il est éscript  
 au premier chapitre de Iob. Que quand  
 Dieu demanda au diable d'ou il venoit il luy  
 respōdit qu'il auoit circuy, cheminé, & en-  
 uironné toute la terre, & qu'il n'auoit point  
 trouué un homme iuste. C'est donc bien  
 signe que le diable est tant occupé pour pe-  
 ché & inuouir que repos ne peut prendre.  
 Pour ceste cause est dicté l'auctorité subse-  
 quente: prise au liure de Iob au iij. chapitre  
 disant en ceste maniere. Ceux qui deuorent  
 ne dorment point. Le tiers signe pourquoy  
 on peut congnoistre que peché rehouyt le  
 diable: est pourtant que iamais de peché ne  
 fut assouuy. Et nonobstant qu'il ayt par pe-  
 ché deuoré infiniz milliers d'hommes: tou-  
 tesfoys il est tousiours affame: mais ainsi  
 que le Lyon rongant & querant chose  
 laquelle il puisse deporer. Et avec ce ainsi  
 que dict saint Pierre, il a faim de boire. De  
 quoy dict Iob. Le fleure est horrible, & le  
 diable ne s'en esbah point: car il a fiance  
 que

que le fleuve foudrain entre dedans sa gorge, c'est à dire dedans enfer: Et le fleuve que le diable engloutist sans soy esmerveiller: sont les pecheurs courâs de iour & de nuict en la gueulle d'enfer, lesquelz il desire malicieusement engloutir & deuorer. Et pour clerement prouer que le diable prent sa delectation en péché: nous en auons exemple en la vie des peres au chapitre des diables comme l'vn d'iceux entre les autres fut loué & honnoré du prince des diables, & fut par deuant tous les autres en vne chaire assis & posé en signe de victoire: pourtat qu'il auoit fait venir & amené au péché de fornicatiō vn moine, lequel par l'espace de xliij. ans n'auoit sceu attraste à péché. Et pourtat pauvre ame pecheresse pleure amèrement en rant q' tu as resiouy cōte toy tes ennemis: c'est à scauoir les diables quand tu peches mortellement. Et au temps aduenir par pure confession & digne & par satisfaction faictz esliouyr dessus toy ton Dieu: & tous ses anges: car ainsi comme diet Sainct Luc en son quinziésme chapitre. Les anges se resiouissent es cieux quand vn pecheur se conuertist & faict penitence. Tiercement tu doibs par souveraine estude fuyr & cui



& eüster tout peché : car il te nuist & t'est  
 contraire plus que nulle autre chose, en  
 tant que par peché sommes separez de l'a-  
 mour de Dieu, & sommes faicts ses enne-  
 mis: Pourtant dict le prophete Esaye en son  
 xix. chapi. Noz iniquitez ont mis diuision  
 entre nous & Dieu : & noz pechez ont ef-  
 longné sa face de nous: C'est à dire de no-  
 stre vision : car il ny a en paradis si iuste ne  
 si saint s'il commettoit peché que tost ne  
 trespüschast en enfer & qu'il ne perdît l'a-  
 mour de Dieu. Auquel propos dict Saint  
 Augustin. Celuy qui commet fautes & pe-  
 ché encontre son vray & tresloyal amy, il est  
 & doibt estre reputé vituperable. Or donc-  
 ques il conuient congnoistre & entendre  
 que par plus forte raison celuy qui commet  
 fautes & peché cõtre le souverain Dieu com-  
 puissant & debonnaire doibt bien estre vi-  
 tuperé & de tous tenu abhominable. Quar-  
 temet il est assauoir q par peché le pecheur  
 est obligé & adiugé au gibet d'efeuil pour-  
 tant que la loy diuine ne differe pas fort  
 de la loy humaine : Il est dict que ceux qui  
 vont contre la maiesté royalle sont dignes  
 de mort & d'estre punis corporellement.  
 Par semblable coniecture, & vraye apparen-  
 ce

ce les pauvres miserables pecheurs qui ont  
 offensé nompas seulement le prince tem-  
 porel, mais celestiel : doibuent bien estre  
 condânez estre penduz en enfer perpetuel-  
 lement, ainsi qu'il est escript en Esdras. au  
 xiiij. chap. Et mesmes au decret de Darius  
 auquel il dict ainsi. Il doibt estre denoncé à  
 tous qu'il appartient que ceux qui auront  
 transgressé les commandemens dessus don-  
 nez & escriptz quant au peché de omission:  
 on doibt prendre le boys de leurs propres  
 edifices. C'est à dire du iardin de leurs pro-  
 pres consciences. Car en la cōscience croist  
 le boys auquel les pauvres pecheurs sont  
 penduz. Et si sont leurs biens confisquez  
 pour ce qu'ilz ont offensé & desprisé la loy  
 de leur seigneur & prince. Et semblablement  
 retourneront en la gloire dy roy celeste, les  
 bons & leurs bienstays. Ainsi peux tu veoir  
 que la loy humaine fait corporellement  
 la loy divine le fait spirituellement. Et cel-  
 le meisme chose on lict en Hester. vij. chapi-  
 tre ou il dict. Prenez Aman & le pendez au  
 gibet. Par Aman est entendu le pecheur: le-  
 quel le roy celeste comandera estre pen-  
 du au gibet d'enfer, s'il le trouue en peché  
 mortel. Quantement peché de pouille l'hō-

me en ce monde de tout bien & de grace, &  
 en l'autre de gloire, éternelle. Ainsi qu'il est  
 écrit au viij. cha. des Prouerbes, péché fait  
 des hommes misérables & pauvres. Hélas le  
 pecheur doit bien estre dict pauvre, quand il  
 n'a riens mais à perdre luy mesmes par péché  
 mortel, & de la franchise il est mis en la ser-  
 uitude du diable. Encore doit il le pecheur  
 estre dict plus pauvre: car il ne peut s'en gai-  
 gner luy, estant en tel estat: & les biens, faits de  
 par luy, ne luy ptouffirent point à son salut,  
 car il ne vist sinō quāt à son corps. Dequoy  
 dit Bocce en son iiij. liure de cōsolatiō. L'ho-  
 me manuais n'est point autrement dict homme,  
 sinon homme mort. Car l'homme par péché  
 est séparé de la glorieuse lumière de Dieu,  
 & est aveuglé & obscurqué. Pourtant est-il  
 écrit au sophologue au premier chapitre.  
 Ceux chemineront comme aveugles qui  
 ont péché contre Dieu. Et le psalmiste dit  
 Ilz n'ont rien entendu ne veu le chemin  
 de leur salut, & ilz chemineront en tene-  
 bres. Auquel propos dit saint Hierosme  
 L'ame pollue dedans par péché est depuis  
 morte & abbatue en bas, ainsi qu'il l'en rap-  
 porte en sa puissance de regarder en bas, si  
 si doibs scauoir que péché est comme la  
 10 pour

pourriture en la pomme car tous ainsi que  
 la putrefaction oste à la pomme valeur d'vne  
 autre couleur & odeur, tout ainsi peché  
 oste à l'homme odeur de bonne & vraye  
 renommée, de valeur & de gloire, cou-  
 leur de beauté, & saveur de graces. Pour ce  
 peché est de droict appelé pourriture. Du-  
 quel parle Esaié en son xv. chapitre en di-  
 sant: Celuy qui fait peché, meine vie plus  
 ede que n'est la boue & la pourriture de  
 la terre. Et saint Augustin dict & recite que  
 plus doux est aux hommes sentir & odoier  
 vn vieux chien mort, puant, & poutry: que  
 n'est à Dieu vne ame pecheresse. Et de ce  
 de maniere parlât saint Augustin on voit  
 moille quel il faisoit par luy: fut rompu &  
 tenu en vraye de saluation vn pauvre pe-  
 cheur qui presens y estoit. Or aduise & con-  
 sidere pauvre & misérable pecheur com-  
 bien te pousse en horreur tes sens pleins de  
 biens mondains se ta conscience n'est vult  
 de de meurs & de biens faitz. Il uult &  
 conuies adaché à apais des biens, &  
 en quelz cas es est q'on se hait, ne doit  
 en qu'on soit en l'oy grand honneur & ven-  
 gances de veoir en grand plaine de biens  
 & en comble de temple de maux.

2uoq Or

Or me dy quelle chose c'est que tu voudrois auoir mauuais : voudrois tu auoir mauuaise femme, mauuais enfans, mauuais seruiteurs, mauuaise robe ne mauuaises chausses. Et toutesfoys toy mauldict & endurecy en ton peché tu veux auoir bien, & mener maudiète vie. Or ie te prie pour ton salut que tu n'aymes pas plus cher ta chausse que ta vie. C'est à dire que tout ainsi que ne voudrois mauuaises chausses auoir qui n'est qu'un des moindres paremens de ton corps : & ne vueille pas mener n'ensuyure mauuaise vie ; car la bonne vie est le plus beau parement de l'ame. Toutes les choses que tu vois belles & plaisantes tu les tiens cheres ; mais certainement se bien te veoit tu te reputerois en toy mesmes puant & vil & deshonneste. Et pense tu se les biens de quoy ta maison est pleine auoyent puissance de parler qu'ilz ne s'escriassent point contre toy, en disant à haute voix. Tu nous veux auoir & posseder à ton appetit & volunté, & nous voulons auoir bon & loyal Seigneur. Escoute comme ilz s'escrient contre toy, en eux inuoquant & adressant à Dieu. O vray Dieu createur du monde tu as donné à cestuy homme tant de biens,

&

& il est tant mauvais. Que luy proufficient  
 les grans biens, qu'il possede quand il n'y  
 en luy, celuy qui tout luy donne. Sexte-  
 ment il est à noter, que par peché l'hom-  
 me deuient beste & brutal. Et pource dict  
 Boece en son 4. liure de consolation. L'hô-  
 me bon, iuste, & loyal qui sa bonté & preu-  
 d'homme delaisse n'est plus homme; car  
 aussi tost qu'il s'adonne à peché, est conuer-  
 ty en beste brute. Et le philosophe es, Eri-  
 ques, dict qu'il n'est pas seulement beste;  
 mais pire & plus detestable que beste. A la  
 quelle chose concorde David le prophete  
 disant en ceste maniere. L'homme durant  
 le temps qu'il estoit en honneur, c'est à di-  
 re en grace & qu'il estoit à Dieu moult ag-  
 reable n'a point voulu entendre à son sa-  
 lut. Pourtant est il comparé aux iurens &  
 aux autres bestes brutes & folles, & est fait  
 à eux pareil & semblable. Et pour le sep-  
 tiesme & dernier point aussi est à noter que  
 de peché naquit seruitude diabolique, D'or  
 il est escript de par monseigneur saint Iean  
 en la premiere canonicque au 3. chapitre,  
 Celuy qui fait ou sommet peché, est du  
 diable seruiteur. Et pourtant toutes choses  
 considérées toy pauvre dolent & miserable  
 pecheur,

pecheur, ayes pitie mercy & compassion de  
 ton ame, & ne vueilles dessus elle mettre  
 ne amener peché: mais te recorde cōme par  
 peché & par tes maux tu as Dieu offensé &  
 courroucé. Tu as trop resiouy ton ennemy  
 c'est assaouir le diable, & dommagé ton pro  
 chain. Or dōc ie te prie toy pauvre pecheur  
 congnois la noblesse de ton ame, & com  
 bien grandes & griesues ont esté les playes  
 d'elle commises par peché, pour lesquelles  
 à esté de necessité le filz de Dieu estre cru  
 cifié. Certainement se les playes de ton ame  
 n'eussent esté mortelles: iamais pour leur  
 remede le filz de Dieu n'eust souffert mort.  
 Ne vueilles donc vilipender ne despriser la  
 redemption de ton ame quand tu vois &  
 congnois que la treshaute maiesté en à eu  
 pitie & compassion. Ex puis que ainsi est que  
 pour toy il à respandu larmes & pleurs, res  
 pandz pour luy toutes les nuiets larmes de  
 penitence & contrition. Il à respandu son  
 sang pour toy, respandz le tien pour luy  
 tous les iours par penitence. Ne accorde  
 pas à ce que la chair veult: mais considere  
 & prens garde à ce que ton ame requiert  
 & demande: car ainsi que dict saint Gre  
 goire: de tant plus que la chair en ce mon  
 de

de vist doulcement es delices de sa plaifan-  
 ce pour vne briefue & transitoire espace de  
 temps, apres la vie corporelle l'ame eter-  
 nellement sera plus tormentee. Et de tant  
 plus que la chair est en ce monde tormen-  
 tee, de tant plus l'ame sera resiouye en la  
 gloire eternelle. Pourquoy dict môseigneur  
 sainct Augustin. Laissons & mettons arrie-  
 re pour l'honneur de Iesus-Christ les cho-  
 ses qui sont à delaisser & qui empeschent  
 nostre salut: affin que pour les choses tran-  
 sitoires ne perdons les eternelles. Et consi-  
 dere que s'il estoit ainsi que lon te dist. Prés  
 & vise à ta volenté des biens & delices de  
 ce monde, tout ainsi qu'il te plaira: par vne  
 telle condition que apres, les yeux te seront  
 ostez, & perdras le soulas de tout le demou-  
 rant de ta vie, en languissant de faim & de  
 soif en grand peine & misere. Certes iamais  
 tu ne voudrois auoir ne appeter tel bien  
 tēporel. Or cōsidere & aduise diligentemēt  
 que tout le tēps de ceste vie humaine n'est  
 pas à cōpter vn mois vn iour ou vne heu-  
 re d'espace de temps: au regard de la perpe-  
 tuelle peine d'enfer: en laquelle n'a point  
 de fin: & à laquelle nulle aultre peine n'est  
 semblable, & ne doibt estre comparee.

*Com*



*Comment on doit faire penitence. Chap. III.*



**M**

Onseigneur  
Saint Mat-  
thieu en son  
14. chapitre

dict que nostre Sei-  
gneur voulut admon-  
nester la creature à fai-  
re penitence parlant  
enceste maniere. Que  
celuy qui ne prend sa  
croix & vient apres

moy, n'est pas de moy digne. Par ceste croix  
nous signifie & donne à entendre peniten-  
ce, laquelle tout pecheur doit prendre &  
porter perseueramment s'il desire en beati-  
tude eternelle regner avec Iesus-Christ.  
Pourtant monseigneur saint Hierosme en  
vne epistole qu'il escript à Susanne dict ain-  
si. Penitence est au pecheur necessaire, &  
doibt estre telle qu'elle soit suffisante pour  
le crime perpetré pacifier enuers Dieu: ou  
que par plus grand merite elle excede le pe-  
ché: & saint Augustin dict. Quiconques  
veut estre sauué, il conuient & luy est neces-  
saire de purger & lauer sa conscience par  
c  
lar

larmes de routes les souilleures & macules,  
dont il a pollue & souillee son ame apres la  
reception du saint baptesme. Mais par ad-  
uenture toy qui es adonné du tout à com-  
plaire au monde, diras en ceste maniere. Le  
sermon & les parolles de ceux qui me dient  
& m'admonnestent de faire penitence me  
semblent dures: car ie ne puis le monde des-  
priser & ma chair corriger & chastier. He-  
las pauvre pecheur escoute la doctrine nom-  
pas de moy: Mais de monsieur saint Hie-  
rosme, disant en ceste maniere. Il est impos-  
sible que l'homme puisse vser des biens de  
ce monde en emplissant son ventre & ac-  
complissant sa pensee, & apres les delices  
de ce monde passer es delices de l'autre en  
telle maniere qu'il soit en l'un & en l'autre  
siele glorieux c'est à dire es cieux & en ter-  
re. Laquelle sentence conferme saint Gre-  
goire disant. Plusieurs sont qui conuoient  
& desirent völler du present exil de ce mon-  
de en la gloire & ioye de paradis: mais ilz  
ne veulent point delaisser les delices de ce  
monde. La grace de nostre Seigneur Iesus-  
Christ les appelle: Mais la maudite concu-  
piscence de ce siecle les repoque & retraiët,  
Ilz veulent bien mourir de la mort des ius-  
tes

stes : mais ilz ne veulent pas viure comme  
 les iustes. Et pourtant ilz periront & les en-  
 fuyront leurs œuvres en enfer en eternal-  
 le damnation. Et à ce propos parle monsei-  
 gneur saint Bernard aux pecheurs refusans  
 penitence. O pauvre pecheur miserable re-  
 congnois & considere en ton cœur l'austere  
 vie & estroicte consideration du glorieux  
 saint Iean baptiste, & tu congnoistras que  
 c'est vn messager de mort eternelle à tous  
 pecheurs qui en ce mode refusent peniten-  
 ce, & qui ensuyuent leurs delices. Helas  
 nous pauvres bestes irraisonnables & mise-  
 rables vers de terre, pourquoy sommes nous  
 orgueilleux & despireux & desplaisans à  
 faire penitence quand nous voyōs que celuy  
 qui entre les enfans de toutes femmes est  
 né le plus grāt, à voulu son saint corps pur  
 & net innocent chastier par penitence, &  
 nous desirons vestir & orner le corps de  
 vestemens precieux. Et le bon saint n'a-  
 uoit au desert pour tout parement sur son  
 corps, que la dure & aspre peau d'vn cha-  
 meau. Nous conuitions & desirons boi-  
 re vins delicieux : & le glorieux amy de  
 Dieu monseigneur saint Iean baptiste ne  
 buuoit au desert sinon de l'eau pure. Re-

garde donc toy pecheur miserable se tu  
doibs fuyr à faire penitence pour fuyuir les  
plaisirs mondains. Helas non certes, car  
ce n'est pas la voye ne le chemin de paradis.  
Et pour plus esmouuoir ton cœur à faire  
penitence pour fuyr les delices de ce mon-  
de, Recorde toy du mauuais riche qui fut  
seigneur & maistre de tant de grandes ri-  
cheses, & qui estoit vestu tous les iours de  
pourpre & habitz precieux, lequel apres  
cette vie mortelle nonobstant tous les deli-  
ces qu'il auoit eu au monde ne peut obte-  
nir ne auoir à la necessité de son tresardant  
& de son tresanguoisieux torment vne seule  
petite goutte d'eau pour refroidir l'ar-  
deur de sa langue. Recorde ces choses cher  
amy & faictz penitencez tandis que tu as  
temps & espace. Et ne te confie point tant  
à la longueur de tes iours. Car nonobstant  
que Dieu ayt promis pardon & misericor-  
de à ceux qui veuillent faire penitence. Il  
n'a pas pourtant promis terme de viure  
iour, heure, ne minute. Et se tu veux sca-  
uoir que c'est que penitence: ie te dy que  
c'est plourer en larmes de contrition les pe-  
chez passez, avec ferme propos d'iceux ne  
commettre plus. Car comme saint Augu-  
stin

fin. dist. La penitence est vaine & nulle  
 quand la personne ploure ses pechez, &  
 demande pardon à Dieu des offenses qu'elle  
 a faictes, & à vouloir de commettre pe-  
 chés. Et pour plus ample declaratiō tu dois  
 scauoir & noter qu'ilz sont trois manieres  
 de penitences. C'est assauoir contrition de  
 cœur, confession de bouche, & satisfaction  
 d'œuvre. Pource que en trois manieres  
 nous offensoys Dieu. C'est assauoir par de-  
 lectation de pensée: par imprudence de pa-  
 rolle, & par œuvre d'orgueil. Et pource  
 qu'un contraire est par l'autre c'est en trois  
 manieres opposites, nous satisfaisons à  
 Dieu. C'est assauoir en opposant & metant  
 contrition contre la delectation de penser  
 confession contre imprudence de parole:  
 & satisfaction contre orgueil. Or voyons  
 premierement que c'est que contritiō: c'est  
 vne douleur volontairement prise pour  
 les pechez commis & perpetuez avec pro-  
 pos d'abstinence & volonté de confession.  
 Et adonc ainsi que dist saint Bernard ceste  
 douleur est tresaigne, & elle doit estre ai-  
 gre, pource que nous auons offense not-  
 stre Dieu & souverain createur de toutes  
 choses, elle doit estre plus aigne: car nous

6 3 impu

impugnons nostre pere celestiel qui nous  
 nourrist si doucement; & d'aquant nous  
 nous debuons reputer pires que chiens: car  
 les chiens de leur nature ayment & suynent  
 ceux qui les paissent & nourrissent. Tierce-  
 ment contrition doit estre creusee; &  
 pourtant qu'en commettant peché nous  
 offensons Dieu. Et de rechef nous tormen-  
 tons & crucifions nostre redempteur qui  
 nous a rachetez & de son propre sang de-  
 ligués des liens de peché: obeyez & mis hors  
 de la crudelité des diables & des peines  
 d'enfer. Pourtant debuons estre dolentz &  
 desplaisans de trois choses: C'est assauoir  
 du peché commis: ou du bien fait delais-  
 sé & du temps perdu. Et dict saint Augustin  
 que la vertu & qualité de contrition de  
 cœur: vaut plus que tous les pelerinages  
 du monde. Et en vne glose faite sus le psau-  
 me: *Ad dominum tribulauer*. est dict. Que  
 Dieu ne scet differer ne esconduire le cœur  
 contrit. Et pareillement saint Iehan Chri-  
 sostome dict Contrition est celle: seule qui  
 finit à l'ame hayr l'habit de pompes; & ay-  
 mer l'aspre vestement de la haire; aimer  
 d'armes & fuir plaisances & ris. Car il n'est  
 chose qui sonioigne & vnisse l'ame à Dieu  
 que

que les larmes du penitent. Et aussi dict mon-  
 seigneur saint Augustin que nous ne pou-  
 vons donner au diable plus aigres douleurs  
 que de guair les playes de nos pechez par  
 confession & penitence. Mais helas combien  
 que par penitence & contrition nous pou-  
 vons tant de biens acquerr. peu de gens sont  
 qui penitence veuillent faire. Dequoy nostre  
 seigneur se cōplaint parlant par Hieremie.  
 Il n'est homme qui parle ou profere chose  
 qui soit bonne. Il n'est homme qui face pe-  
 nitence du peche commis en recognoissant  
 son mal fait. Le second. C'est assavoir con-  
 fession es legitime & suffisante accusation  
 & declaration de ses pechez devant le preb-  
 stre. Pourtant est confession ethimologisee  
 ainsi semblable en tout & d'une part &  
 d'autre a satisfaction. Ou confession ainsi  
 que dit Isidore au liure des ethimologies.  
 c'est par laquelle la maladie secrete de l'a-  
 me soubz esperance de pardon & de misericor-  
 de est en l'ouenge de Dieu ouuert. De  
 la vertu de laquelle dict saint Ambroise sus  
 le psalme *Beati immaculati*. La vengeance  
 divine cesse la ou la confession humaine va  
 devant. Et Cassiodore sus le psalme. *Con-  
 fiteantur tibi populi tui.* dict, Dieu n'est pas

iuge mais est aduocat pour ceux qui par  
 vraye confession se condamnent & rendent  
 coupables. Et Pape Leon dict. Le peché  
 ne demeure point à condamner en iuge-  
 ment qui par confession à esté purgé. Et  
 saint Augustin au liure de penitence dict.  
 Confession est le salut des ames : aduichi-  
 lante & degasteresse des pechez, restau-  
 raresse des vertuz, guerreants & comba-  
 rante contre les diables. Et quoy plus con-  
 fession clost la porte d'enfer, & ouvre cel-  
 les de Paradis. Pour lesquelles choses trof-  
 cher amy selon le conseil de Esaye. Dy tes  
 iniquitez afin que tu soys iustifié. Car le  
 commencement de iustice est confession de  
 ses pechez. Car il se faut confesser tous ses  
 pechez entierement desquelz tu as memo-  
 re, à vn prebstre lequel ayt puissance de toy  
 absoudre par telle condition que tu ne di-  
 ses pas à vn prebstre vne partie de tes pe-  
 chez & à l'autre prebstre l'autre partie. Car  
 en toy confessant par celle maniere l'vn  
 ne l'autre ne te pourroit remede donner.  
 Pourtant dict saint Bernard. Celuy qui  
 diuise sa confession à diuers confesseurs  
 il n'a point pardon, car c'est vne dete-  
 stable fiction que son peché diuiser, &  
 aller



aller par dessus sans entrer au paffond de  
 la racine. Ceux qui le font en telle ma-  
 niere recepuront excommunication pour  
 absolution, malediction pour benediction.  
 Et telle diuision se fait souuent par hypo-  
 crisie. Car ilz disent les grans & enormes pe-  
 chez aux prestres qu'ilz ne congnoissent  
 point. Et à ceux qui sont de leur congnoi-  
 sance & leurs familiers ilz disent & confes-  
 sent les pechez plus legers. Dequoy dict  
 saint Augustin, & ainsi est escript au de-  
 cret que celuy qui diuise la confession n'est  
 point à louer, car il colle à l'un ce qu'il reue-  
 le à l'autre. Laquelle chose est foy louer par  
 maniere d'hypocrisie. Or parlons de satis-  
 faction de laquelle saint Augustin dict en  
 ceste maniere, Satisfaction est excéder &  
 delaisser les causes de peché & ne fauoriser  
 à ses subiections ne admonitions. Et aussi  
 saint Gregoire dict. Nous ne faisons pas sa-  
 tisfaction par cesser de pecher. Se nous ne  
 laissons les voluptez en ensuyuant pleurs &  
 lamentations contraires & opposites à pe-  
 ché. Auquel propos dict saint Chrisosto-  
 me, Telle que l'offense a esté deuant comi-  
 se telle doit ensuyuir la recôciliation & sa-  
 tisfactiō, & doibs estre aussi enclin à pleurs  
 & la

& lamentations comme tu as esté enclin à  
 peché. Et prens en toy aussi grande deu-  
 tion de faire penitence come tu as eu gran-  
 de intention de faire & commettre peché.  
 Car les grans pechez & pesans, desirent les  
 grandes lamentations. Dequoy dit Eusebe  
 eueque. Par legere contrition ne peut pas  
 estre payee la debte par laquelle la mort  
 eternelle est deuë au pecheur. Ne de petite  
 satisfaction ne peut on satisfaire au vice pour  
 lequelz le feu eternel est apparoille. Mais  
 plusieurs sont tantost laissez en cest vio-  
 mortelle de penitence, & retournent de la  
 voye de satisfaction en regardant derriere  
 eux comme la femme de Loth. Contre lesa-  
 quelz parle saint Bernard en yn sermon ou  
 il dict. Celuy qui perfectement sent en soy  
 le pesant fais de peché dont l'ame est char-  
 gee, doit prendre & charger son corps du  
 fardeau de penitence. Et en ce faisant des-  
 chargerá & allegerá son ame, & par comoié  
 seront effacez les pechiez passez & ceux ad-  
 uenir se pouront euitier. Et saint Augustin  
 sur le 50. pseaume dict. Plusieurs sont qui  
 n'ont point honte de faire & cōmettre pe-  
 ché mais ont honte & vergongne de faire  
 penitence. O incredible creature forcée  
 & hors

& hors dursens as tu point hôte & horreur  
 de la playe de peché. Ne voy tu point qu'il  
 le est puante orde & pourrie? Recours au  
 medecin & faictz penitence, en disant. Mon  
 Dieu, mon createur ie congnois mon ini-  
 quité, & voy olerement que mon peché est  
 cōfession contre moy. A toy seul ay faict  
 offense en commettant peché: car tu es  
 seul sans peché. Et en outre tu dois noter  
 que satisfaction est en trois choses. C'est ab-  
 saoir en oraison, en aumosne, & en ieiuné:  
 affin que le nombre trinaire soit opposé,  
 & contre trois faux diaboliques pechez.  
 Oraison cōtre orgueil: leusoc cōtre la con-  
 cupiscence de la chair: Aumosne cōtre  
 auarice. Ou on peut dire ainsi. Tout peché  
 commis cōtre Dieu: encontre cestuy est  
 ordonné aumosne. Et pour plus grande de-  
 claration de satisfaction, nous parlerons  
 d'aumosne. Aumosne vaut autant à dire cō-  
 me mandement de misericorde. Et en au-  
 tre sorte vaut autās à dire cōme mandemēt  
 de Dieu: car luy mesmes de sa propre bou-  
 che a mandé & cōmandé aumosne estre fait  
 &c. Dequoy dict Hieremie. Dōnez aumos-  
 nes, & toutes choses serāt en vous pures &  
 nettes. Ou autrement aumosne peut estre di-

re eue de Dieu. Car il est dict en l'Euangile:  
 Tout ainsi que l'eau estainct le feu: au-  
 mosne estainct le peché. Mais il conuient  
 regarder à faire aumosne. Il ne la conuient  
 donner sinon à ceux qui en ont necessité:  
 car donner à ceux qui n'ont point de neces-  
 sité n'est pas aumosne, mais c'est de frober le  
 droit des pauvres. ... Quand l'aumosne est  
 bien employee ne conuient regarder à qui  
 on la fait, & n'en faut attendre retribution  
 sinon que de Dieu: car il suffit puis qu'il la  
 commande & à luy mesmes approprier.  
 Au 17. chapitre des Prouerbes est dict. Par  
 aumosne, est vainc & vaincue l'acheptee.  
 Et Daniel en recite en son 11. chapitre. Par-  
 lant d'une femme qui mist en tous ses vai-  
 seaux vne petite quantité d'huile qu'elle  
 avoit. Et tantost creut l'huile en telle ma-  
 niere qu'elle en paya & pacifia ses crédi-  
 teurs. Les vaisseaux de la femme qui estoient  
 vuydes, denotent les pauvres lesquels nous  
 devons en nostre maison appeller. Ainsi  
 dict Esaye. Ayme & appelle dedans ta mai-  
 son les pauvres: & les despourueuz & esga-  
 rez: & si peu d'huile que tu as, c'est à dire de  
 ta substance distribue la par tes vaisseaux,  
 & en donne aux pauvres. Et Thobie dict  
 ainsi

ainsi. Se tu as peu à donner, estude à le don-  
 ner & impartir aux pauvres volontairement:  
 car adonc croist l'huylle de misericorde  
 quand par merite & grace l'ame pecheres-  
 se satisfait à Dieu de ses pechez. Seconde-  
 ment, aumosne multiplie & accroist les biens  
 temporelz. Dequoy dict saint Gregoire en  
 son dialogue. Les substâces terriennes sont  
 multipliees pourtant qu'elles sont donnees  
 & distribuees aux pauvres. Nous auôs ex-  
 ample au tiers liure des Roys au xvj. chapitre  
 De la femme veufue qui repeut Helye, à la-  
 quelle Dieu multiplia huylle & farine. Par  
 quoy on peut entédre que les pauvres nour-  
 rissent plus les aumosniers, que les aumos-  
 niers les pauvres. Tiercement nous debuôs  
 faire aumosne, & œuure de misericorde.  
 Car aumosne garde l'aumosnier à l'heure  
 de la mort & meîne à clarté & à ioye son  
 ame au royaume des cieux: & pourtant dict  
 saint Ambroise que misericorde seule ac-  
 compaigne les trespassez. O quelle compai-  
 gne au mourât d'auoir aumosne. Or ne lais-  
 se pas doncques si loyal ne si bon seruiteur.  
 Ne vueilles pas mettre tel aduocat derrie-  
 re ton doz. Ne faictz pas comme ceux qui  
 en leur vie tiennent leurs biens par telle  
 ardeur

ardeur d'auarice, & par leurs propres mains  
 jamais aux pauvres, aumosnes ne departent.  
 Car telz sont semblables à celuy qui pour  
 veoir clèrement son chemin porte la lumie-  
 re derrière son doz. Mais faictz ainsi que  
 t'escriue l'ecclesiastique. Ne dy point à ton  
 amy c'est à dire à Iesus-Christ, à ton ame,  
 ou au pauvre quād il te demādera l'aumos-  
 ne, Mon amy va, & reuiens demain ie te dō-  
 neray. Comme il soit ainsi que tu luy puis-  
 ses dōner quād il la demande tu doibs sca-  
 uoir que le riche à qui on demāde l'aumos-  
 ne doit considerer trois choses. Premiero-  
 ment qui c'est qui luy demande, car Dieu  
 luy propre à tant voulu aymer les pauvres  
 que tout ce que tu leur donnes en l'hōneur  
 de luy, il le reputē estre à luy faict & donné.  
 Pourtant il est escript en Sainct Matthieu  
 au quatriesme chapitre. Tout ce que vous  
 aurez faict à vn de mes moindres seruiteurs  
 à moy l'aurez faict. Dieu demande par le  
 pauvre l'aumosne du riche, & le riche de-  
 māde à Dieu le royaume des cieus. Si doibt  
 bien le riche craindre quād au pauvre il re-  
 fuse & denyē l'aumosne: que Dieu ne vueil  
 le pas exaulcer ne ouyr sa priere quād il de-  
 mandera le royaume celestiel: car il est es-  
 cript

**Proverbes xxj. chapli.** Cestuy qui  
 clost les oreilles quand il oyt le pauvre crier  
 le tēps viendra qu'il criera & ne sera point  
 ouy de Dieu. Secondement le riche doit  
 considerer quelle chose est que Dieu demā  
 de quand par ses pauvres il demande l'au-  
 mosne: certainement il ne demande riens  
 du nostre, mais demande le sien seulement.  
 Et pourtant est bien celluy ingrat à Dieu  
 qui au pauvre denye & refuse l'aumosne ne-  
 cessaire quand il à viādes & biens abōdam-  
 ment: & ceste chose cōsidera Dauid lequel  
 dict au premier liure de Paralipomenon au  
 xxix. chapitre. O mon Dieu & mōseigneur  
 toutes choses sont à toy, & n'auons autre  
 chose pour te donner fors seulement ce  
 que de ta grace auons receu de toy; Et veriy-  
 tablement Dieu nous demande seulement  
 ce qui est sien, & ce qu'il luy appartient. En  
 nompas à donner, mais seulement prester  
 pour en rendre, nompont le double ne le  
 tiers, mais croissent à vsure centfois plus. O  
 pauvre pecheur faiētz selon ledit saint Au-  
 gustin. Baille à vsure à Dieu ce que tu bail-  
 les à l'hōme, & tu y prendras cent fois plus  
 & la vie eternelle possederas. Trop est in-  
 grat celuy qui ne veut à Dieu bailler vsure,

ce

ce qu'il baille à vn Iuis ou Sarrazin. Et pour  
la consideration de toutes les choses leote  
prie cherement, assemble les pauvres & en  
faictz ton tresor au ciel comme en lieu fort  
& seur. Et en faisant les œuvres de miseri-  
corde ne thesaurize point en la terre: car le  
cœur de l'auaricieux est cōme la fosse sans  
fons qui tant plus reçoit & prend tant plus  
vent & desire auoir, & iamais ne se trouue  
plein: selon le dict de l'Ecclesiastique vj. cha.  
l'auaricieux ne sera iamais plein de pecune.  
Car le cœur court tousiours à tresor. Rude-  
ment soit à celuy qui faict tresor en terre:  
car il persecute son ame & la met en grand  
peril. Et sur ce pas dict Chrysostome, Assem-  
ble toute ta substance au lieu ou tu as ton  
pays & ta demourée: car celuy qui ne faict  
tresor fors en terre, ne trouuera rien au ciel  
quand rien ny aura mis, & croys que seul-  
lement apres la mort ce sera à toy ce que tu  
auras aux pauvres donné. Les biens ne sont  
pas à l'homme desquelz il ne peut iouyr ne  
emporter avec luy. Or entens la belle aucto-  
rité sainct Ambroise. Il n'est rien de si gran-  
de recommandation enuers Dieu que la  
pitié de charité. Ce que dict le bon docteur  
l'ay leu & regardé plusieurs liures & escri-  
ptures



preuves, mais ie ne me recorde point d'auoir  
 trouuë que l'homme qui vouletiers à exer-  
 cé les œures de pitie, soit villainement  
 mort. Et pape Leon dict: Celuy donne &  
 enuoyé à Dieu fructz precieux & entiers,  
 qui oncques ne laissa le pauvre partir des-  
 pouueu ne triste de deuant luy. Helas la  
 vertu de misericorde est si grande, que sans  
 elle toute autres vertus ne peuvent prouffi-  
 ter. Et combien que vn homme soit loyal,  
 chaste, sobre, garny & enrichy de plusieurs  
 autres vertuz s'il n'est pitoyable & miseri-  
 cordieux, iamaiz misericorde ne trouuera.  
 Et ce que i'ay dict des vertuz d'aumosne &  
 des œures de misericorde laquelle chose  
 i'ay voulu traicter en la faueur des pasteurs  
 leur suffise s'il leur plaist. Et retournons au  
 propos du commencement de ce chapitre  
 ou il est dict. Celuy qui ne prend la croix &  
 viét apres moy n'est pas digne de moy. Ce-  
 ste croix doit estre prinse au temps de ieun-  
 nesse & de force: auquel propos est dict en  
 L'ecclésiastique au 2. chap. Remembre toy de  
 ton createur en ta ieunesse, & aussi dict-il  
 semblablement. Filz ne tarde point à toy con-  
 uertir à Dieu, & ne differe point de iour en  
 iour: car son ire viendra soudainement, &

en temps de vengeance te ingere. Mais com-  
 tre le salutaire conseil du Sage le diable bail-  
 le & promet à l'homme mauuaise & dani-  
 nable esperance de longue vie, en disant.  
 Tu es ieune; tu viuras longuement: su yras  
 à confession, & feras penitence. Orant y a  
 de pauures pecheurs qui de leger vont au  
 mauldict aduocat, & qui se fēt en la folle es-  
 perance de longue vie, proposans en leur  
 viellesse eux corriger & amender, & la mort  
 subira les vices faulx & prendre, & finable-  
 ment sont damnez. Et pourtant il est dict en  
 l'Ecclesiastique xxx chap. La mauuaise es-  
 perance de longue vie, a mis plusieurs à per-  
 dition. Or est il doncques à noter que celle  
 esperance diabolique de longue vie, & faire  
 penitence en viellesse est mauuaise. Car celle  
 est contre droit, & raison. Encore est elle  
 pire, car elle est contre le pecheur mesme  
 & se est moult mauuaise, car elle est contre  
 la souveraine bonté de Dieu. Et quelle soit  
 mauuaise & contre droit & raison il ap-  
 pert par trois exemples. La premiere est que  
 celuy qui auroit dix alnes & bailleeroit la  
 charge à porter au plus foible, contredit  
 & raison. Et ainsi fait celuy qui veut bai-  
 ller à viellesse la charge, & le fait des pe-  
 chez

chez qu'il a commis en sa ieunesse & vertu:  
car il baille la charge au plus foyble asne.  
C'est à dire à vieillesse qui est plus debile,  
car en celuy aage n'a l'homme force ne ver-  
tu de porter peine ne labour, & ceux qui le  
font desseruent malediction comme il est  
escrit en la sainte Bible. L'homme plein de  
fraude est maudict, qui a en son bestial plu-  
sieurs masses, & il sacrifie à Dieu le pire & le  
plus paovre. Et tout ainsi est maudict celuy  
qui es delices de ce monde passe son temps,  
sa vertu, sa beauté, & sa ieunesse, & garde  
pour sacrifice à Dieu la debile & foyble  
vieillesse. Et pourquandist Isidore. Celuy qui  
pour le temps conuenable de penitence pour  
neant, viendra deuant la porte de Dieu en  
prieres. Le second exemple est tel. Celuy  
qui ne pourroit leuer vn fardeau quand il est  
en sa force & puissance, & s'efforceroit de  
le leuer quand il est en sa foyblesse & debile  
vieillesse, il ne butoit bien estre tenu & repré-  
té fol & iniuste. Et tout ainsi est-il de celuy  
qui en sa ieunesse quand il est fort & puissant  
ne veult porter le fais de penitence qui est  
adonc leger, & espere de mieux le porter  
en sa vieillesse, quand la somme & le fais  
sont augmentez & appesantis, & luy affoi-

bly & debile. Et celuy ressemble à vn fol, duquel il est dict en la vie des peres, Qu'il couppoit & tréchoit du boys, & de ce boys faisoit vn fais : & plus essayoit à le leuer, & quand il le trouuoit si pesant il couppoit de rechef d'aultre boys, & le mettoit en sa charge & le vouloit leuer : & tant plus le trouuoit pesant & tât plus y adioustoit de boys. Et en ceste maniere font les pecheurs quâd ilz prennent la charge des pechez, & ils laissent penitence, & de iour en iour mettent peché sur peché. Le tiers exemple est tel, Celuy qui toute sa vie en soing & en grand cure mettoit peine de parer & disposer vne maison en laquelle il n'auroit esperance au propos de iamais demourer : & la maison qu'il desireroit pour son demeure perpetuel voudroit deffaire à son pouuoir : tel selon iuste cause deburoit bien estre dict & réputé fol & intame, Or doibs tu scauoir & entédre q̄ tout ainsi est du pecheur qui iusques à la mort differe soy conuèrtir à Dieu, & tous les iours desirer & conuoiter viure es delices & voluptez de ce dōlēt & miserable monde en ensuyuant compaignies mauuaises par lesquelles il à plusieurs occasions de commettre plusieurs pechez mortelz : par les

lesquelz ilz appareille & prepare pour tout  
le temps de sa vie vne maison en enfer au-  
quel lieu iamais ne voudroit demourer. Et  
pourtant il doit craindre & doubter la sen-  
tence de monseigneur saint Paul ainsi di-  
sant. Celuy qui faict & va contre sa cons-  
cience, il edifie maison & logis en enfer. Et  
pour demōstrer & prouuer que la promesse  
& esperance de longue vie soit encore pire  
contre le pecheur il appert & nous est cle-  
rement demonstree par deux exemples dont  
le premier est tel. Celuy qui desireroit plus  
estre malade que sain, & en seruitude qu'en  
franchise, & n'auroit riens plus cher que  
posseder la part de tous les biens du monde,  
tel seroit contre luy mesmes. De telle con-  
dition est le pecheur quand il tarde de faire  
penitence: car il ayme mieux estre en peché  
& en maladie spirituelle de l'ame qu'en gra-  
ce. Et non pas seulement maladie mais mort  
eternelle: parquoy appert bien cletement  
que le pecheur en ce cas obstiné doit bien  
estre dict contre luy mesmes mauuais: quāt  
il se ayme mieux malade que sain, mort que  
vif, seruiteur que maistre, mauuais que bon.  
car ainsi que dict monseigneur saint Iean en  
sa canonicque. Celuy qui faict peché est  
d 3 en

en la seruitude de peché: Et saint augustin  
 dist que l'homme bon, iuste, & loyal, non  
 obstant qu'il soit en seruitude, si est il en sa  
 bonté se gardant tousiours franc & en sa  
 franchise. Mais l'homme mauuais & pecheur  
 non obstant s'il regne & s'il est craint & ho  
 noré en ce monde, il est demouré mauuais  
 & en seruitude. Et qui pire chose est il est  
 en la seruitude des mauuais seigneurs c'est  
 assauoir de vices & de pechez. Le second  
 exemple est tel. Celuy qui deburoit grand  
 somme de pecune à vñsre qui seroit loiq &  
 augmenteroit de iour en iour, & ne voult  
 droit payer mais tarderoit tant qu'il pour  
 roit; celuy feroit contre luy mesmes. Or est  
 il ainsi à propbs. Car tant que l'homme est  
 plus en peché tant plus sera il obligé à pei  
 ne. Dequoy il est escrit en l'Apocalypse.  
 xvj. chap. De tant plus que le pecheur s'est  
 glorifié en ses dolices de tant plus aura de  
 tourmens, pleurs & peines. Tiercement que la  
 promesse de loque vie soit tresdangereuse  
 & tresmauuaise en tant qu'elle est contre la  
 vñlonité du Dieu, il apparoit trois exemples.  
 Dont le premier est. S'il estoit ainsi qu'au  
 eus ieune homme impugniast & fat con  
 traire à son maistre duquel il auroit tout  
 son

combien par l'espace de toute sa vie; & qu'il  
 laisse son propre seigneur pour servir son  
 ennemy de son maître d'autant la force & la  
 jeunesse. Et quand il seroit caduc & atteint  
 de vieillesse il retournast à son premier ma-  
 istre en voyant offrir à son seigneur pour le del-  
 uer de son service fin de sa vie. Tel seroit un  
 reproche auuais à son maître; contraire à  
 son oyle & bien petit de pour estre aggre-  
 ble & d'usage de tel homme. En ceste ma-  
 niere est le pecheur, car en commettant  
 peché il offense Dieu, & sert son ennemy  
 le diable & le diable durant la jeunesse,  
 se propose de servir Dieu en la dévotion de  
 sa vieillesse. Le second exemple est celui qui  
 choisit au lieu qui eust receu de son seigneur  
 grans dons & grans biens pour les multiplier  
 & gagner; & en uenst auoir profit &  
 gain. Tel seroit bien fol & à son maître  
 ingrat qui pour neant les dons & les biens  
 despendroit & gasteroit. Laquelle chose  
 fait le pecheur qui en faisant meschamises  
 contre la bonté de Dieu, en commettant pe-  
 ché despend & follement degaste en contri-  
 buant & ingratitude de son créateur les biens  
 qu'il luy a donnez. C'est assavoir le corps, l'a-  
 me, les sens par lesquels son ame est animée

les forces & vertuz du corps, les biens mō-  
 dains & tēporelz l'espace de sa vie & plu-  
 sieurs autres grāns & beaux dons & benefi-  
 ces que de Dieu à receuz. Sainct Grēgoi-  
 re parlant de l'ame que Dieu nous à bail-  
 lée comme tresor precieux pour en y for-  
 sonnablement en faisant œuvres meritoi-  
 res par lesquelles nous puissions acq-  
 rir le royaume de paradis, dict en ceste ma-  
 niere. Douleur & malediction soit à moy  
 se par ma negligēce i'ay failly à garder le tre-  
 sor & le ioyau que Dieu du precieux sang  
 de l'aignel sans macule à voulu racheter.  
 Et du tēps que Dieu nous à donné en ceste  
 vie mortelle dict ledict saint Grēgoire tu  
 n'as en ce mode iour, heure, minute, ne es-  
 pace de tēps, dequoy tu ne rēdes cōpte de-  
 vant Dieu, cōment & en quelles operations  
 tu l'auras employé. Le tiers exēple est cel. Se  
 le seruiteur de quelque seigneur, donnoit  
 des biens de son maistre aux estrangers, & à  
 ses ennemys le bon pain & le bon vin & les  
 meilleures viādes: & à son maistre il fit bail-  
 ler & administrer pain corrompu & infect, vin  
 aigre, chairs, poissons puantz & pourris: il  
 feroit iniustement & fausement contre la  
 volenté de son maistre. En ceste maniere  
 fait



faict le pecheur, qui tout le plus beau & le  
 meilleur de sa vie: c'est à scauoir sa force &  
 ieunesse à donnee au mode & au diable qui  
 sont ennemys de Iesus-Christ: & propose  
 donner à Dieu le Pere sa vieillesse & fin de  
 sa vie. Helas Dauid ne faisoit point ainsi, le-  
 quel disoit. Mon Dieu mon createur ma for-  
 ce, ma beauté, ma ieunesse veux à toy seul &  
 à ton seruice garder. Et à ce propos est dict  
 en l'Ecclesiastique. N'apporte point à Dieu  
 les pourritures de ta pauvre vieillesse, mais  
 apporte luy & presente le vin pur, qui est ta  
 fleurissante ieunesse. Item saint Gregoire  
 parlant de ceux qui different à faire peni-  
 tence dict en ceste maniere. Le pecheur est  
 trop loing & estrage de la foy, qui pour fai-  
 re penitence attend le temps de la vieillesse;  
 comme il soit ainsi qu'il n'ayt en sa puissan-  
 ce nulle heure de sa vie. Et pourtant selon  
 le conseil de Isidore vn chascun pauvre pe-  
 cheur se doit diligenter de toute sa puissan-  
 ce de soy retourner à Dieu quand il peut:  
 car qui faict penitence quand il peut & ne  
 veut, quand il vouldra il ne pourra. Fais  
 doncques penitence & ne tarde point, afin  
 que tu ne loyes enclos dehors avec les fol-  
 les vierges.

Comment on doit despriser le monde.

Chapitre. III.



**S**ainct Jean  
en septieme  
re canon  
que nous de  
monstrant que nous ne  
debuons point aymer  
le monde, ne les choses  
qui sont au monde. En  
dict en ceste maniere.  
Il ne conuient aymer  
que Dieu sur toutes choses. De rechef dict  
en ceste maniere. N'ayme point le monde  
ne les choses qui sont au monde. Si en est  
cun qui ayme le monde: la charite de Dieu  
n'est point avec luy, car le monde & la con  
cupiscence passent: Et saint Augustin en  
suivant les parolles demande en ceste ma  
niere. O toy pauvre creature le quel veul tu  
estre des deux? veul tu aymer le monde &  
les choses temporelles, & passer avec les temps?  
Ou despriser le monde & vivre eternement  
avec Dieu. Se tu aymes ce siecle il te destrui  
ra & obscurcira: car le siecle appelle &  
doucement attrait a luy ceux qui de veni  
lent

sent aymer & suyuir: mais au besoing il leur  
 faut, & ne les peut supporter ne secourir. Et  
 certainement le monde est cōme vn excom-  
 munié. Car ainsi que pour l'excōmunié on  
 ne faict aucune priere en l'Eglise. Nonob-  
 stant nostre seigneur Iesus-Christ, en nous  
 monstrant exemple prioit Dieu pour ceux  
 qui le crucifoyent. Trop folle chose est de  
 seruir tel seigneur ou maistre qui en la fin  
 chasse & degarte son seruiteur nud & pau-  
 vre sans loyer. Et ainsi faict le monde. Nous  
 vîmes d'un Soldat de Babilone lequel estāt  
 malade en la cité de Damasce, de maladie  
 mortelle: luy congnouissant sa vie estre bref-  
 ue & sa mort prochaine: pitieusement & en  
 grandes lamentations appella vn de ses ser-  
 uiteurs, & luy dist en ceste maniere: Tu sou-  
 loys porter en mes batailles la banniere &  
 le signe de mes armes par triumpicante vi-  
 cttoire: Donc maintenant prends & porte le  
 signe de ma mort doloieuse: C'est à scauoir  
 ce pauvre drap & miserable linceul, & crie  
 à haute voix par toute la cité ces parolles.  
 Voyez le roy de toutes les parties orien-  
 tales lequel mourāt & finissant ses iours, n'em-  
 porte avec luy pour toutes richesses du  
 monde, fors seulement ce vil & pauvre drap.  
 Et

Et semblablement nous lisons d'un ieune prince roy de Lorraine, lequel estant en enfermeté de maladie considerant ses iours estre cours & sa mort prochaine, en regardant ses palais maisons & grans edifices, il s'escria en gettant sospirs & piteuses larmes. O mon Dieu mon createur Iesus à ceste heure ie voy & puis congnoistre que le monde est, & doit estre à despriser. Helas i'ay eu en ce monde tant de palais, de maisons, & de logis riches & sumptueux: & maintenant ie ne scay ou ie doibs loger: ne qui ceste nuit me recepura. Considere ces choses pauvre & miserable pecheur, & laisse ta felicité: c'est à scauoir ce monde deceuable deuant que par luy & de luy tu soyes delaisé en telle miserable pauureté. Escoute monseigneur saint Iacques lequel dict en ceste maniere. Celuy qui est amy de ce monde, est ennemy de Dieu. Et saint Gregoire dict. De tant que l'homme est plus pres de l'amour du monde: de tant est il plus loing de l'amour de Dieu. Pour laquelle chose manifeste nostre seigneur Iesus-Christ à l'heure de sa passion voulut dehors la cité de Hierusalé tout nud estre crucifié & souffrir mort. Voulant demonstret qu'on doit  
fuyr

fuyr le monde: en donnant exēple que ce-  
 luy qui veut ensuyure le fruiēt & le merite  
 de la passion, il doibt faillir & yssir hors de  
 ce monde, au moins par affection, en fuyant  
 la mondaine conuersation, & desirāt la spi-  
 rituelle. Pource parla Dieu à Hieremie, &  
 luy dit. Fuyez & allez hors de Babilone af-  
 fin que chascun sauue son ame. Par Babilo-  
 ne ainsi que dict saint Hierosme est enten-  
 du yne maison de confusion, laquelle mai-  
 son represente ce monde, auquel de toutes  
 partz regne confusion: tant au clergé com-  
 me au peuple: tant aux religieux que aux  
 seculiers: & tant aux anciens cōme aux ieu-  
 nes: & generally tant aux hommes que  
 aux femmes. En telle maniere que saint  
 Iean dit veritablement & à bon droict en sa  
 canonique. Tout le monde est mauvais, &  
 à tout mal habandonné. Pour laquelle cho-  
 se conseille saint Bernard qu'on doibt fuy-  
 uir la vie religieuse, ainsi disant. Fuyez hors  
 du milieu de Babilone, c'est à dire de ce sie-  
 cle, & sauuez voz ames: vollez es cirez de  
 refuge, c'est à dire à la vie religieuse: & la  
 vous pourrez des maux cuiten, faire peni-  
 tence, & la gloire eternelle acquerir. Helas  
 ne vous esbahissez pas de l'austerité, ne de  
 la

la peine de faire penitence: car les passions  
& afflictions de ce present monde ne sont  
pas condignes ne suffisantes pour pardonner  
les maux & les pechez perpetuez & passez:  
au regard de la gloire qui par penitence  
nous est promise en la maison de Dieu c'est  
au royaume celestiel & eternel. Et pour  
plus ample declaration de ceste matiere il  
est à noter que nous debuons fuyr ce doloir  
& miserable mode pour quatre choses. Pre-  
mierement il doibs noter que les sages s'en-  
fuyent & s'en vont pour leur sance garder  
du lieu infect pour aucune puanteur ou pe-  
stilence, & principalement quand ilz sen-  
tent & apperçoivent qu'ils sont malades, disposez en  
aucune maladie dangereuse. En ceste ma-  
niere est le monde: car il est infect & puant  
& pestilencieux par l'abondance des pechez.  
Et pour ce que la maladie des pecheurs est  
contagieuse la compagnie des pecheurs &  
des mauuais est à fuyr & delaisser. Et com-  
me ce n'est pas chose seute à l'homme qui  
est sain & net par tous ses membres de com-  
muniquer & suyuir l'habitation de ceux qui  
sont infectz par lepre & morsellorie. Pareil-  
lement ce n'est pas chose seute à l'homme  
lequel veut estre pur & net de peché de  
fuy

63  
suy uis les mondains remplis de tous vices  
& pechez. Auquel propos est dict en l'E-  
cclésiastique xliij. chapitre. Celuy qui touche  
la paine en emporte vne tache ou souilleu-  
re. Et celuy qui communie avec orgueil-  
leux, se trouuera vestu & paré d'orgueil. Et  
à la verité il est impossible que celuy de-  
moure longuement en bonnes ceuures, qui  
frequente souuent les mauuais. Pourtant  
dict le psalmiste. Avec le saint tu te trouue-  
ras saint & avec les mauuais tu te trouue-  
ras mauuais. Et tout ainsi que mauuaise cō-  
uersation est nuisable, par le cōtraire la bō-  
ne cōpaignie est prouffitable. Car qui s'ou-  
uert bonne cōpaignie il croiue vie plaisan-  
te, & abondances de richesses. Et pour le  
vray declarer ie croy que iamais, ou fort ou-  
tard, l'homme ne deuiant bon, ou mauuais,  
si non par la cōpaignie qu'il entretient. Et  
comme dict saint Hierosme. Le cœur des  
enfans est comme la table pure & nette en  
laquelle n'a riens peint. Pourquoi, il est  
vray semblable que les mœurs & conditiōs  
qu'ilz apprennent en ieunesse soyent bones  
ou mauuaies, ilz les suyuent & maintien-  
nent en vieillesse. Nous debuōs donc nous  
eslongner du monde comme d'un mauuais  
voisin:

voisin: car il n'est point de pire voisin, ne  
 qui tant puisse nuire que l'affinité des pe-  
 chez desquelz le monde est plein. Secondement  
 les sages de leur nature se departent &  
 estlongnent des lieux ausquelz ilz doubtent  
 d'estre trahys, vendus & liurez es mains  
 de leurs ennemys laquelle chose faict le mō-  
 de de iour en iour. Et pourtant luy est pro-  
 pre la parolle de Iudas traditeur de son mai-  
 stre, en laquelle dict. Celuy que ie baisera y-  
 prenez & le tenez: car c'est celuy que ie  
 vous doibs liurer. Telles ou semblables pa-  
 rolles dict le monde au diable, celuy que le  
 mōde baise & accolle auourd'huy, & ceux  
 qu'il eslieue à hōneur il les trahit, & les bail-  
 le es mains de leurs ennemys, c'est à sçavoir  
 aux diables. Parquoy tu doibs noter qu'en  
 ce monde n'a point de seurté: car ainsi que  
 dict saint Hierosme. Le plus grand & ma-  
 nifeste signe de damnatio: c'est d'auoir su-  
 ui en ceste vie corporelle plaisirs, soulas &  
 felicités & estre aymé du monde: car celuy  
 fouruoie & erre en la voye de iustice qui  
 par richesses & delices s'efforce de complai-  
 re au monde. Tiercement les sages s'eston-  
 gnent d'aucun lieu pour le peril qu'ils ouy-  
 rent qu'il y ayt. Et certainement le monde  
 est



est vne mer grande & spacieuse, de laquelle ainsi comme dict saint Bernard. La difficulté du passer & la multitude des perissans approuuans le danger, est tout ainsi que la mer de Marseille de quatre nauires à peine en passe vne sans peril. Ainsi est il de la mer de ce monde, de quatre ames à peine en vient vne à saluation. Ce mode est presque le deluge, auquel peu de gens se peurent sauuer. Il est comme la fornaiſe babilonique embrasée du feu d'enfer. Pourrant on le doit sur toutes choses craindre & fuir: car pour le vent d'vne petite parole, il embrase du feu d'ire. Pour le seul regard d'vne femme il est embrasé du feu de luxure. Et par le regard d'vne seule chose precieuse il est embrasé du mauldict feu de concupiscence. Quatrement nous voyons par experience que l'homme se depart voulétiers, & eslongue de ceuluy dont il se desſie. Et principalement de son ennemy capital. Nostre ennemy capital est le grãd diable prince de ce monde, qui nostre mort de iour & de nuict pourchasse, duquel nous eslongnons quãd nous delaissons le monde. Pourtant dict l'Ecclesiastique au 9. chapitre. Tiens toy toy siours loing de l'homme qui à puissance

e                      de

de becire. Par laquelle chose est entendu le diable qui ainsi est: il diét pourtant que par l'homme est deuaincu: comme diét saint Mathieu en son 14. chap. Telle chose pour chasser & faict l'homme qu'il est ennemy. Pour lesquelles choses deusdictes nous deuons scauoir & entendre que le souverain remède de vaincre le mode, est de fuyr & soy départir d'auec luy. Et à ce propos nous liions en la vie des peres que saint Acrime luy encores estant resdant & demourât aux palais des Emperours fist son oraison à Dieu. Sire te prie adresser moy en la voye de salut, est laquelle oraison faisant vint à luy vne voix qui luy dist en ceste maniere. Acrime, fuy le mode & les homes, & tu seras sauue. Et tantost apres le bon saint homme s'en alla en vne deubte religion: auquel lieu il pria semblablement nostre seigneur comme deuant. Sire adresse moy & me montre la voye & chemin de salut. Et de rechef luy dist vne voix Acrime, fuy, vainc, faictz silence & te reposer: ce sont les racines de bien viure & fuyz peché. Par la fuyte est vaincue la concupiscence de la chair: par soytaire est vaincu orgueil: par bon labeur est cessé d'aymer les desirs de ce monde, l'auarice, & con-

noi

uoitise. Item Iſidore nous admonneſtant à  
deſpuiſer le monde dict en ceſte maniere. Sa  
tu veux eſtre & viure en repos, n'appote riens  
du mōde; oſte & metz hors d'auec toy tout  
ce la choſe, qui te peult nuire & tollir ton  
bon propos. Deuiens ainſi que mort au  
monde; & le monde à toy. Ne te chaille de  
la gloire du mōde, non plus que ſe tu eſtoys  
mort; deſpriſe en ta vie les choſes que tu ne  
peux auoir apres ta mort. De ceſte matiere  
parle ſainct Hieroſme. O vie du mōde, non  
pas vie mais mort; faulſe vie meſlee & ad-  
mixtionnee de deſtreſſe; vie ombrageuſe &  
mentereſſe; maintenant tu ſieuris & tantost  
ſeiches, vie fragile & caducque. O vie miſe-  
rable, vie contraire, qui tant plus croiſt &  
plus amenuye, qui plus auant chemine &  
plus la mort approche. O vie pleine de de-  
lictz, combien as tu en ce monde prins &  
enlacé, en tes laz de miſerables hommes;  
Tant tu as mené & meines de iour en iour  
es tourmens infernaux. Tant eſt, celuy be-  
noist, qui peult ces fallaces congnoiſtre.  
Tant eſt, il plus benoiſt qui fuyt & deſpriſe  
ces blandiſſemens. Et tant doit celuy eſtre  
reſbenoiſt appelle, qui de toy s'eſt ſeparé.  
Et ſainct Auguſtin dict. Le monde crié, ie  
c 2 failli

failliray au besoing : La chair crie , ie infecteray tout. Or aduise miserable pecheur, lequel tu veux suyuir. Helas trescher amy, se les choses dessusdictes ne t'esmouuent à despriser & courremner le monde. Escoute saint Bernard parlant de ceux qui ayment ce dolent monde. Douleur, peine & trauail soit à ceux esquelz est preparee, la viande des vers, labeurs, ventz, flammes, la soif continuelle, pleurs & rechignemens dedās l'horrible face des diables. Douleur soit à ceux qui sont au torment perpetuel ou la mort est desiree de iour en iour, mais ia elle ne viendra. Les malheureux pecheurs en leur torment demandent à mourir, mais ia-mais ne mourront. Car incessamment seront tormentez en peine eternelle. O pauvre pecheur pense tu point quelle douleur, quelles lamentations, quelz pleurs, & quelle tristesse sera adonc quand le pauvre pecheur sera separé & mis hors de la compaignie des iustes. Et quand les miserables & pauvres pecheurs seront abandonnez & baillez en la puissancedes diables, & s'en yront avec eux en torment eternel priuez & separez de la gloire & de la felicité de paradis. Et en douleur & peine pardurable demoure

mourera le pecheur en enfer: & le diable le  
 tormentera incessamment sans soy lasser.  
 Celuy qui sera tormenté en enfer ne mour-  
 ra point, mais viura sans esperance de par-  
 don ne de misericorde. Ainsi pour augmen-  
 tatiō de douleur viura sans mourir, & mour-  
 ra sans estre consummé. Pourtant debuons  
 noter ce que dict Iſidore. Se tu auois la sa-  
 pience de Salomon, la force de Sanson, &  
 le temps & la longueur de vie de Enoch: la  
 puissance de Ptolomeus; & les richesses de  
 Cressus, combien te pourroit tout cela pro-  
 fiter à l'heure que ta chair puante & infecte  
 sera dōnée aux vers, & l'ame en enfer pour  
 estre avec le mauuais riche sans fin misera-  
 blement tormentee. Item vne autre chose  
 te doit mouuoir & admonnester de fuyr  
 le monde & delpriser. C'est assauoir la bref-  
 ue espace de tēps de la vie le iour & l'heure  
 de la mort qui nous est chose incertaine. Et  
 pourtant dict saint Gregoire: les misera-  
 bles pecheurs obstinez font & perpetrent  
 les vices & les maux soubz vmbre & espe-  
 rance de viure longuement. Et les bons &  
 iustes fuyent & delaissent orgueil, pompes  
 & pechez, pour cause qu'ilz cōgnoissent &  
 iugent entre eux la brefuete & petite duree

de ce present monde. De laquelle bresue  
 parle saint Iacques, au 4. chap. de sa cano-  
 nique. Quelle chose est nostre vie fors vne  
 vapeur de leger apparissant & tantost ad-  
 nichiee & perdue. Et dict saint Augustin  
 en ceste maniere. Ainsi bresue est la vie de  
 l'homme: & quand l'homme auroit vescu  
 mille ans & apres il mourust: combien luy  
 auroit prouffite la longueur de la vie, com-  
 me il soit ainsi que nostre vie n'est sinon le  
 cours à la mort, laquelle nul ne la peut re-  
 tarder. Mais nous conuient tous les iours  
 attendre l'heure de nostre souverain Dieu  
 iustice: car luy seul feait nostre heure cer-  
 taine & determinee. Auquel propos dict  
 Senecque. De iour en iour nous, car par  
 chascun iour nous est ostee certaine partie  
 de nostre vie. Lesquelles choses considerees  
 pensant & premeditant les choses dessus es-  
 criptes & celles qui s'ensuyuent: se diligen-  
 temēt en ton cœur & en ta pensee les veux  
 noter: tu trouueras qu'en ce present monde  
 miserable & transitoire, tu ne peux autre chose  
 se dire fors seulement. Je languis en misere  
 & m'en vois à la mort. Mais tu es seduit &  
 abuse de l'espoir de loque vie, car tu poses vi-  
 uire loquement & posseder par plusieurs ans  
 les

les biens séporelz, les ioyes & delices de ce monde pat trop deceuable. O pauvre homme, o pauvres pecheurs il n'est pas ainsi déterminé par la divine puissance. Car comme diot le Royal prophete David en un pseaume. L'homme est fait semblable à vanité, duquel les iours se consomēt & passent logerement comme l'ombre.

*De vaine gloire, puissance, dignitez, honneurs, & richesses du monde. Chapitre V.*



Enuieux scauoir que c'est de la vaine gloire du monde, de sa puissance, dignité, honneur richesses: entens es discorde du prophete Baruch en son a-

cha

chapitre lequel demande en ceste maniere:  
 Ou sont les princes & les gens lesquels a-  
 uoyent seigneurie & domination sur les be-  
 stes de la terre, qui se iouoyent & estoient  
 es oyseaux du ciel. Ou sont les hommes qui  
 amassoient or & argent, & se confioient  
 en leurs tresors sans auoir fait d'acquiesce-  
 royaume de paradis. Ilz sont tous passez,  
 mortz, & exterminiez. Ilz sont descenduz  
 aux enfers, & d'autres sont venuz en leur  
 lieu qui maintenant iouissent & vident des  
 biens qu'ilz ont detraictez. Ou sont les grans  
 orateurs. Ou sont les grans banquetz, excès  
 & superabondance de viandes. Ou sont ceux  
 qui ont mis leurs plaisances à nourrir & pol-  
 lir courriers & chevaux. Ou sont les Papes,  
 les Empereurs, les Roys, les Ducs, les Com-  
 tes, les Princes, les Marquis, Barons, No-  
 bles, Bourgeois, Marchandz, Laboureurs &  
 gens de tous estats. Ilz sont tous en pouldre  
 & pourriture, des plus grans la membrane est  
 sur les sepulchres & tombeaux. Regarde  
 bien se tu congnoistras au vray lequel est le  
 valet, ou le maître, & lequel d'eulx est du ri-  
 che ou du pauvre. Regarde se tu pourras  
 congnoistre le pauvre, & le mort, ou à part le  
 laboureur d'auec le Roy, le faible du fort:  
 & le



& le plus beau du laid. Certes tu dois sca-  
 uoir & entendre que la gloire humaine de  
 ce monde, de quelque chose qu'elle puisse  
 venir est à fuir. Premièrement, car elle est  
 de tres-vile condition. Secondement, car el-  
 le est de promesse tres faulse. Tiercement  
 pourtant qu'elle est tres-fragile en sa dura-  
 mon. Quartement est à fuir, pource que la  
 retribution en est tres-mauuaise & damna-  
 ble. Iedy donc premièrement que la gloire  
 de ce monde est à fuir, pource que de sa  
 condition elle est tres vile. Dont il est escrit  
 au premier liure des Machabées ij. chap. La  
 gloire du monde est fiens, vers & pourriture,  
 que auourd'huy est leuee & mise en haut  
 & demain on ne la trouue point. Regarde  
 entre des bestes, il n'y a plus vil que le ver.  
 Et tu diras puis que la gloire du monde n'est  
 autre chose que fiens & vers, qu'elle doit  
 estre euee & desprisée des hommes. La  
 gloire du monde est ainsi que le boys pour-  
 ry duquel le Phillosophe enseigne, & l'expe-  
 riment l'esprouue que de fait est pourry.  
 Qu'est-ce autre chose que l'homme plein  
 de vaine gloire, qui en luy mesmes se mire  
 & prend la plaifance fors seulement en la  
 miere & vne clarté, faincte & decevable:

e s que

que les yeux des pauvres createurs debiles  
 enfermez & malades: iugent seulement re-  
 gardant le dehors estre gloire & felicité, mais  
 quand le pireux iour du iugement viendra  
 auquel Dieu monstrera les choses moſſees  
 & ſecrettes qui ſont en tenebres, & mani-  
 feſtera le ſecrer des cœurs: adonc ceux qui  
 maintenant ſemblent & apparoiffent glo-  
 rieux, apparoiffront alors vils & pleins de  
 pourgiture du tout deguetrez & reſuſez com-  
 me pourceux & abhominables: car ceulz gēs qui  
 ont eu les richelles & puiſſance de ce monde  
 ſont ſemblables à vne petite beſte qu'on  
 appelle chaudiſouris qui en volſſant de nuit  
 reluyt & porte lueur, & de iour ſe retraiſt &  
 apparoit toute noire. Helas ſe les pauvres &  
 miſerables hommes qui en leurs vaines ri-  
 chelles mettent leur gloire conſideroyent  
 ces choſes, & s'ilz penſoyent bien en leur  
 veur de quelle nobleſſe, de quelle poiſſan-  
 ce, & de quelle dignité ilz ſe doibuent ele-  
 ver & enorgueillir, qui ne ſont fors yn pe-  
 tit de chair puante laquelle en peu d'eſpa-  
 ce meurt, pourriſt, & retourne en cendre,  
 qui pour richelles & orgueil deſpient &  
 foulent les pauvres, qui en la fin apparoi-  
 ſtront noirs, villains, & pourris. Ilz y doib-  
 uent

tient donc bien penser: car saint Hierosme  
 dit. Qu'il est impossible que l'homme en ce  
 monde & en l'autre apparaisse glorieux. Se-  
 condement nous devons fuir & laisser la  
 gloire mondaine: car elle est tresfragile, &  
 n'est assésurée ne cōformée en quelque sta-  
 bilité: mais est faulse & defectiue comme fu-  
 mée, qui est de telle nature que tant plus el-  
 le monte en haut, & tant plus elle amey-  
 se de puissance & substance: en tant que fi-  
 nablement en montât tout en haut se con-  
 sume & esvanouyst. La fleur semblable-  
 ment laquelle est en grand odeur, & pour  
 vne briefue espace de temps en saueur &  
 couleur noble & plaisant: par peu de vent  
 ou chaleur de soleil elle est morte & seiche,  
 & pert toute gloire de saueur, couleur, &  
 odeur. Ainsi est la gloire du monde, de la-  
 quelle il est escrit en Esaye 4. chap. Toute  
 chose que Dieu a crée en chair est ainsi cō-  
 me l'herbe appelée foin, & toute la gloire  
 est ainsi que la fleur de l'herbe de foin. Le  
 foin deuiant sec & petit l'herbe la fleur.  
 Aussi pareillement deuiant la gloire du  
 monde vaine & infructueuse de leger tran-  
 sitoire. Et aussi ceux qui ayment le mou-  
 de sont cōme le foin, lequel est sec & amori-  
 ty

ry premier qu'il soit hors de terre arraché.  
 Pourtant dict l'Ecclesiastique. Toute puis-  
 sance temporelle, toute la vie des choses cor-  
 porelles est; auourd'huy en duree, demain  
 mourra & prendra fin. Regarde ou est  
 maintenant la gloire du roy Assuere: le-  
 quel auoit & tenoit sous sa seigneurie  
 puissance & domination le nombre de six  
 vingtz prouinces. Ou est la gloire du roy  
 Alexandre, qui toute la terre mist en sa sub-  
 iection & obeissance. Ou est maintenant la  
 gloire de tout son Empire. Ou est la gloi-  
 re de tous les royaumes qu'il mist en son  
 obeissance. Ou sont les princes, leurs do-  
 minations, leurs puissances, leurs auctoritez  
 & leurs seigneuries. Ne voy tu point que  
 tant les pelerins que les hostes, sont tous  
 passez en la fin d'un soubdain iour & hastif.  
 Ilz ont en vanité passé leurs iours & leurs  
 ans en cours hastif & soubdain: en telle ma-  
 niere que ensemble sont partis & n'est nul  
 demouré, car c'est chose commune à tou-  
 tes choses creées que de mourir. Et est la  
 mort de telle condition qu'elle ne regarde  
 honneurs ne richesses; mais est si cruelle &  
 mauuaise qu'elle n'espergne nulz. Sō cours  
 est par tout le monde si commun à tous;  
 qu'el

qu'elle faiet le plus grand & le plus puissant  
 Roy du monde & le plus pauvre tout vn  
 & tout esgal. Car nonobstant que le riche  
 & puissant se nourrist en ce mode des viandes  
 des delicieuses fuyuant ses delices & volup-  
 tez, par lesquelles son ame est orde & souil-  
 lee en la fin de ses iours & n'emportera nō-  
 plus que le plus pauvre du monde. Tierce-  
 ment la gloire de ce monde est à fuyr, pour-  
 tant qu'elle est tresfauce & decepnable, &  
 ne tient à nully sa promesse. Car nonobstāt  
 ce qu'elle ne puisse donner à hōme du mon-  
 de vn seul mouuement de temps ou espace  
 de vie: elle promet aux hommes vie pacifi-  
 que, puissance, & seureté. Regarde qui est  
 celuy qui se peut comparer au roy Alexan-  
 dre, & à la grand gloire qu'il eut au monde.  
 Il ne perdit iamais bataille. Il n'assiegea on-  
 ques cité qu'il ne prinst. Il ne demoura onc-  
 ques au monde province qu'il ne soubzmit  
 à sa subiection. Et nonobstant toute sa puis-  
 sance à l'heure qu'il euyda en paix regir &  
 gouverner le monde par vn petit de venin  
 il fut contrainct de la mort à s'en partir de la  
 gloire mondaine & à la delaisser. Pourquoi  
 donc ensuys tu la gloire de ce mond qui  
 en la mort ne te peut secourir ne aydec. La  
 gloi,

gloire du monde faulse & deespérable abuse  
 & deçoit les amis. Car ce qu'elle promet  
 pour le temps aduenir, ou qu'elle pretend  
 pour le present, est chose de neât, soubdaine  
 & passible cōme l'eue courât. Quarrement  
 la gloire mondaine est à tuer & à despriser,  
 Car elle est resmauuaile & de mauuaise re  
 tribution: car elle ne meine à nulle gloire,  
 mais à toute peine & cōfusion sempiternel  
 le. De laquelle chose parle Osee en son 14.  
 cha. en ceste maniere, La gloire du monde est  
 en ignominie & cōfusion la puissance en de  
 bilité: la sagesse en folie, l'amour & dilection  
 en tribulation & peine. Car toute la mesure  
 en quantité de coulpe, sera en la fin peins  
 equiparee. Et pour ce saint Hierosime par  
 le en ceste maniere à ceux qui aymēt la gloi  
 re du monde. Douleur & misere soit à vous  
 qui cuydez & vous hastez d'aller en la gloi  
 re celestielle par le chemin & par la voye de  
 voz richesses. Comme il soit ainsi que plus  
 facile & legere chose est passer vn chable  
 par le pēruis d'vne esguille, qu'il n'est vn  
 riche homme entrer au royaume des cieux  
 Et pour plus grande approbation, note nō  
 point mes parolles, mais celles de Iesus  
 Christ, disant, Le ciel & la terre passeront  
 &

& prendront fin, mais mes parolles demou-  
 reront & seront fermes stables & vrayes.  
 Veillez & pleurez miserables & meschans,  
 puissans & anoblis du vent & de inconstan-  
 te fortune, qui confondez & desprisez les  
 pauvres; vous estes obfusquez & aveuglez  
 des biens de vanité & de dignité que vous  
 auez par aduanture fraudulentemēt. & ma-  
 licieusement acquis en ce monde: car pos-  
 sible est que le terme de vostre vie sera ceste  
 nuit couppé comme du tisserant le fil, &  
 mis en enter sans fin & sans terme: deuant  
 les autres miserablement tormentez: car  
 tout ainsi que vous n'estes pas viuant avec  
 les hommes continuellement en labour, &  
 ne voulez pas souffrir en ce monde aucune  
 peine ou penitence, vous serez tormentez  
 perpetuellement avec tous les diables. Et  
 de rāt qu'en ce mōde aurez eu plus de gloi-  
 re & de liesse: de tant vous en est en enfer  
 plus gnieue peine preparee. Et plus forte  
 vbus diray. Nostre seigneur esleut en ce  
 monde douze Apostres: desquelz n'y auoit  
 de noble lignee fors vn seul c'est à scauoir  
 saint Barthelemy: & vn riche c'est à scauoir  
 saint Matthieu: Et tous les autres estoient  
 pauvres hommes pescheurs viuant en pei-  
 ne

ne & en trauail de leurs corps, cōmes bon-  
 nes gens lesquelz belongnent pour viure,  
 en la sueur de leurs corps. Or puis que ainsi  
 est que Dieu est vray & iuste, & que toute  
 chose procedant de sa digne bouche est  
 vraye & pure: & en verité a grand peine de  
 nobles de riches, & puissans en ce monde  
 peut on trouuer vn cōuenable & digne de  
 election salubre: mais assez on trouue trop  
 qui sont propres & conuenables au seruice  
 de damnation éternelle, & en peu de temps  
 en enfer recepurōt leur salaire. Et se par ad-  
 uenture aucun offusqué ou auégulé de la  
 vraye lumiere s'esmerueilloit & me vou-  
 loit interroguer, je luy respondroye en telle  
 maniere: ne croyons nous pas fermement  
 que pour vn seul peché mortel l'homme est  
 damné. Lors pourroye respondre & cōclu-  
 re les choses dessusdictes considerees que  
 ie t'asseure q̄ a grand peine en à vn de mille  
 sauté. Mais autre chose est du riche nourty  
 en delices, & du pauvre nourty du vent de  
 famine. Car le riche n'est autre chose qu'un  
 vaisseau plein de tous pechez, vaisseau pour  
 ry remply d'orgueil, plein du luxure & d'a-  
 uarice. Et principalement aux riches, aux  
 puissans & aux nobles regnent tous pechez  
 & ma



& maledictions. Et sont & doibuent estre  
 appelez larrons: car souuêtesfois ilz desro-  
 bent & emblent aux pauvres leurs salaires  
 & foulent & mettent à mort ceux qu'ilz  
 d'eussent substaté & nourrir des biens que  
 Dieu leur a dōnez pour administrer & sub-  
 uenir aux pauvres. Certainement les mes-  
 chans & miserables pecheurs: qui en leur  
 souille richesse ont & prennent leur folieité,  
 qui est la superfluité de leurs vestemens ce  
 qu'ilz debuoyent aux pauvres eslargir, ilz  
 le merrent & eslargissent sur eux mesmes à  
 leur ruine damnement & confusion. Helas  
 ilz voyent les pauvres membres de Iesus  
 Christ nudz & despourueuz, mourir de  
 faim & de soif: & ilz n'en tiennent compte,  
 mais mettent les trezors des pauvres, c'est  
 assauoir la superfluité & abondance de leur  
 richesses en sumptueux ediffices, bragues,  
 vanitez, banquets superflus, pour & afin  
 que aux yeux des hommes mortelz puissent  
 complaire & estre regardez. Helas ilz pren-  
 nent leur plaisir à faire & preparer aux au-  
 tres riches grans disners, combles & fournis  
 de viandes diuerses pour emplir leurs ven-  
 tres & assouuir leurs charongnes des deli-  
 ces du monde: & ilz n'ont pitié, misericor-  
 f de,

de ne compassion des pauvres qu'ilz voyent  
 enmy la place deuant leurs huys mourir de  
 faim. O pauvres & miserables creatures  
 qu'est-ce autre chose que tout peché de  
 telle vie damnable. Considere & pense que  
 tout aussi tost que le vêtre est plein d'abon-  
 dance de viâdes, la faulx damnable & mau-  
 dictة luxure se presente pour toy attirer à  
 la mort éternelle; que veux tu plus que ie te  
 dise de telz gens qui aux hōneurs & riches-  
 ses de ce monde passent leurs iours. Certes  
 toutes les lāgues des hōmes mortels ne sau-  
 roient dire ne exprimer les énormes maux  
 & pechez qu'ilz commettent: car il ne leur  
 souuiet de Dieu ne de la mort sinon par ad-  
 venture en dormant ou en songeant. Cer-  
 tes celui legerement trebuché en peché,  
 qui ne pense point estre mortel, & ne cō-  
 gnoist Dieu estre son iuge. Trop est celui  
 fol & ignorant qui de les choses n'a me-  
 moire, & qui ne fuyt les tentations diabo-  
 liques. Et pour vérité dire ie trop sermone  
 s'ilz auoyent cōgnissance de Dieu le crea-  
 teur, & qu'ilz se cōgnoissent estre mortelz;  
 ilz n'offenseroient point Dieu par peché  
 au moins si gresuevement, & en si għand har-  
 diesse. Helas que voit faire ces mortels  
 pe

peccateurs aux roglifcs: & lieux de deuotion  
 Certainement ilz vont pour veoir & regar-  
 der enueché la forme & beaulté des femmes  
 quand ilz doibuent penfer à Dieu & à leur  
 fauvement. Leur penfee & cogitation eft  
 comme ilz pourrôt nager fur la mer, chemi-  
 ner fur la terre, pour aflembler pour eux &  
 pour leurs enfans trefors & richelles mon-  
 daines. Ilz penfent comme ilz pourrôt ve-  
 ſtir & parer leurs corps de veſtemens pre-  
 ſteux, & au monde plaiſans: cōme ilz pour-  
 ront faire iours diuers & eſbartz: à preparer  
 viandes delicatues pour complaire à leurs  
 ſenſors, pour auoir & amaffer femmes, &  
 pour faire & accomplir la cōcupiſcence de  
 leur malin diſcōin chancel. O pauures po-  
 ches, nous ignorerez qui vous faictes. He-  
 las vous deſtruiſez le corps deuant le temps  
 de ſon iuſtice, & deſtruyez à mort l'ame. De quoy  
 priez vous ſi qu'il vient tant de rechemen-  
 tes malades & mortelles maladies: fors de  
 la trop grand'abondance & excès de viandes,  
 & de la malicie & deſteſtable frequencie  
 des ſathmas. En quel pēſant pēpide Dieu  
 vous meſme vous abuſez. Vous oubliez l'a-  
 me pour obeyr au corps: & en ce faiſant de-  
 ſtruyez & deſtruyez le corps & l'ame, premier

que temps en foit. Et pourtant gaudissez &  
 châtez & vous esiouyſſez en ſi peu de bref-  
 ue eſpace de temps que vous auez: car apres  
 voſtre brefue ioye: viendra le temps qu'il  
 vous cōuiendra en langueur eternelle pleu-  
 rer & gemir ſans fin. Buuez, mangez, veſtez  
 vous de diuers habitz en les changeans ſou-  
 uentes fois afin que nul ne vous paſſe en  
 braguerie, & apres voſtre vie en caſer ſerez  
 receuz en honte & cōfuſion. Ou ſeront lors  
 voz grans banquetz conſectz en faueurs de  
 diuerſes eſpices. Mangez, buuez, & vous en  
 yurez maintenant: car apres la mort: ce ne  
 pourrez plus faire: mais ſerez en enfer avec  
 le mauuais riche qui chaſcon iour viſible en  
 ſes delices: vous demandez vne ſeulle gout-  
 te d'eau pour voſtre ardeur de ſoif refroi-  
 dir, & ne la pourrez auoir ne obtenir. Fai-  
 tes operations mauuiſes & ſerez en cor-  
 ruption: & en malediction cupillerez voſtre  
 ſemence au iour du iugement, quand il vous  
 ſera dict, Allez maudictz pecheurs au ſeu-  
 de eternelle damnation, qui eſt au diable &  
 à ſes gens appareillz. Helas: cœur plus dur  
 que n'eſt pierre: veulx tu attendre ce iour ſi  
 terrible & ſi horrible. Auquel ne faudra pas  
 ſeulement rendre compte des luxures, des  
 sup

veſte

vestemens, des yurongnises & gourmandises: mais avec ce conuiendra raison rendre de chascunes vaines parolles. O pecheur miserable, pourquoy ne t'amende tu. Pourquoy tarde tu de iour en iour te conuertir à Dieu. La mort est pres, qui tant de iour que de nuit court apres toy pour te abbatre. Le diable est aupres de toy prest pour te recevoir. Tes richesses te faudront au besoing. Les vers attendent ta charongne pour la ronger, iusques à ce qu'elle soit apres le iour du iugement conioincte à l'ame pour eternelle peine souffrir ensemble. O pauvre creature tu quiers & espere trouuer parmi les vanitez de ce monde gloire, soulas, & richesses infinies, & ilz ny font pas. Mais se tu veux trouuer gloire, tresor, soulas, & felicité perpetuelle: laboure en diligēce d'acquiesce le royaume de paradis, car la tu trouueras loye infinie: laquelle oncques œil ne vîd, oreille ne oït, ne cœur d'homme ne sceut comprendre la pareille. Or laisse donc les choses vaines qui par vn soudain mouuement se passent afin que tu puisses auoir les biens de la gloire eternelle. Helas que sera ce de ceux qui pour l'amour de Dieu, ne pour craincte de mort, ne de tourmens, ne

delaisent point leurs pechez: mais font des  
 plaisirs qu'ilz ne pouuent à leur volenté  
 & desir mener vie plus mauldite & à Dieu  
 desplaisante. O miserables pecheurs qui  
 vous riez & esbarez es plaisances mondai-  
 nes: las apres vous pleurerez larmes de eter-  
 nelle douleur & tristesse. Il vous reste enco-  
 re vn petit de tēps; auquel vous employe-  
 rez tous malheureux pechez: mais donnez  
 vous garde que la diuine sentence de male-  
 diction descondesur vous. Se vpus voulez  
 damner, ne faictes point de bien: & iama-  
 is vous ne serez sauez. Assembles à voz en-  
 fans honneurs richesses & puissances aug-  
 mentés, croissés vgstre noblesse & renom-  
 mee: affin que voz enfans puissent vostre vie  
 ensuyure, & auec vous perpetuellemēt estre  
 damnez. Mais aucun me peut dire en ceste  
 maniere: Dieu est bening & misericordieux  
 & reçoit tous pecheurs qui à luy se retour-  
 nent. Je confesse qu'il est vray & non pas  
 seullemēt bening; car il est plus bening que  
 nul ne pourroit dire, & pardonne à chascun  
 qui à luy se dōuprist. Dūc Dieu n'est il pas  
 tresbening qui tant d'miures endure & souf-  
 fre des pecheurs, en leur donnant tēps & es-  
 pace dieux corriger & amēder. Mais pour la  
 salua

saluation de l'ame, d'vne chose te veux ad-  
 uertir: c'est que de tant que Dieu est pitoya-  
 ble & misericordieux souffrant & endurant  
 du pecheur: de tant est-il iuste en punissant  
 les maux & les iniquitez. Et de rechef pour-  
 ra vn autre dire que l'homme qui par longue  
 espace de temps à vesçu, & en ses iours n'a  
 fait nul bien: ou se il en fait c'est bien peu.  
 Et toutesfois en l'article de la mort il pren-  
 dra penitence & du bon Dieu pardon ob-  
 tiendra de ses pechez & mesfaietz. O folle  
 & vaine cogitation maudicte & damnable  
 esperance, n'attens pas à te cōuertir à ce be-  
 soing dangereux: car de cent mille hommes  
 qui ont mené vie mauuaise à peine en pour-  
 ra vn estre sauué. Helas quel dō, quelle gra-  
 ce, quelle misericorde peut à Dieu deman-  
 der l'homme engédré & nourry en peché;  
 qui iamais selon Dieu ne vesquit: qui iamais  
 Dieu ne congneut, ne de luy voulut ouyr  
 parler: qui iamais son peché ne recongneut,  
 ne scait que c'est que penitence, se en dor-  
 mant ne la congnoist. O quelle grace peut  
 à Dieu demander l'homme enlaidi & noué  
 de secuhieres negoces, lequel incessammē  
 pense es enfans qu'il delaisse: d'vne part la  
 maladie le contrainct & oppresse: de l'au-

tre les richesses & biens tēporelz qu'il laisse  
 au monde. Quelle douleur quelle tristesse  
 luy peut le cœur toucher, quand il void que  
 de toute son esperance il est perpetuelle-  
 ment priué, & ne luy peut au besoing ser-  
 courir. Vaine & de petite valeur luy sera la  
 penitence qu'il prendra adonques. Car s'il  
 eseroit santé il n'en demanderoit point: &  
 pour briefue conclusion celuy qui en sa for-  
 ce, santé, & ieunesse ne craint point offen-  
 ser Dieu à peine desseruira en la fin d'auoir  
 indulgence. Quelle penitence peut estre  
 celle que la personne prend quand il void  
 & se iuge que plus il n'y a de ses iours en ce  
 monde. Et si de sa maladie retournoit en  
 santé & conualescence, il seroit plus mau-  
 uais que deuant. Donc pour verité ainsi  
 que dict saint Hierosime : ie tiens & affer-  
 me que par plusieurs experiences, telles  
 gens finent mauuaisement. Pour lesquelles  
 choses entens & considere en ton cœur les  
 choses dessusdictes, contemne & desprise le  
 monde, sa vaine gloire & ses caducques ri-  
 chesses pour l'honneur de Dieu qui est sur  
 toutes choses. Helas combien peut prouf-  
 fiter à l'homme de gagner tout le monde,  
 & à la fin estre dāné. Recorde toy que tu es  
 hom



**homme, & que l'honneur de ce monde est**  
**empeschement de grace, & qui pire est per**  
**dition de salut eternal. Lequel auons nous**  
**veu partir des delices de ce monde icy en**  
**trer en gloire eternelle ? O que la gloire de**  
**ce monde est faulx & vaine, laquelle les**  
**hommes demandent fort, & ilz ne quierent**  
**pas la gloire du ciel qui de Dieu est sculle**  
**ment acquise, & de luy seul est donnee. Se**  
**l'homme se veut aux autres preferer & auoir**  
**sur les autres dominatiõ & seigneurie: n'est**  
**il pas semblable au premier ange qui dict, le**  
**monstray mon siege en Aquilon & seray sem**  
**blable au souuerain. Or se donne garde**  
**l'orgueilleux que celuy à qui est le haut sie**  
**ge, ne le face deualer & cheoir en ruine mi**  
**serable. Et pourrât dit mōsieur S. Augustin:**  
**q̃ celuy est biē heureux & benoist qui met**  
**son seul desir en la gloire eternelle, qui ne**  
**s'esioyist ne s'eslieue de prosperité ne d'ad**  
**uersité, ne se trouble, ne esbahyst, qui n'a riē**  
**en ce monde qu'il ayme ou trouue cher,**  
**qu'il doubte & craigne d'estre damné. Et à**  
**bien tout penser & considerer, la gloire de**  
**ce monde n'est riens fors vn petit de vent**  
**passant par les oreilles. O pauvre meschant**  
**dolent, & miserable pecheur: regarde com**  
**bien**

bien tu es auenglé se tu demande & appete la gloire de ce siecle. Car ainsi que dit le bō docteur Anselme. Tu ne peux estre en honneur au mōde sans peine & sans labeur: Tu ne peux estre en prelature sans enuie & tribulation, & si ne peux estre en honneur & dignité sans vaine gloire. Et pourtant se tu veux fuyr & euitier le danger & peril auquel tu encours en desirant & appetant l'honneur temporel & la gloire de ce monde, sans doubte il est à toy du tout necessaire de le laisser, & du tout fuyr & renoncer les vanitez, pompes, & la gloire de ce dolent monde & miserable siecle.

*Comment on doit tousiours craindre & attendre la mort. Chapitre. VII.*

**D**Euple Chrestien recorde toy souuent que la mort te fuyt, & que elle ne tarde point. Car il est escript en l'Ecclesiastique, q̄ mout est prouffitabile pour le salut de l'ame, de bien souuent auoir memoire de la mort. Laquelle chose est declaree en mout de lieux de la sainte escriture. Dont y est dict. Ayez tousiours de la mort souuenance: de la gloire de paradis: de la peine d'enfer &



cela ne gardent  
de pecher. Et  
à ce propos dit  
Saint Bernard  
que la souue-  
raine felicité  
est la p<sup>re</sup>sence cō-  
tinuelle de la  
mort : car se  
l'homme con-  
siders en chascun  
lieu porté  
avec luy le re-  
mors de la

mort lamais peché ne fera. Et saint Augu-  
stin en confirmant diét qu'il n'est chose qui  
tant engarde la personne de peché que la  
frequente p<sup>re</sup>sence de la mort : car c'est ce qui  
faict l'homme le plus se humilier & faire ac-  
cepter penitence. Et diét Saint Hierosme  
Celuy legèrement d'esprise toutes vanitez  
qui se iuge mortel : car celuy desprise pre-  
mierement la concupiscence des yeux qui  
considere que soudain tout conuient lais-  
ser. Celuy desprise la concupiscence de la  
chair qui bien considere q son propre corps  
en peu de temps sera viade aux vers. Et co-  
luy

luy desprise l'orgueil de ceste presente vie  
 qui considere en son cœur que celuy qui  
 veut au mode les autres dominer & suppe-  
 diter est en peu d'espace de tēps mis & bout  
 té en terre dessoubz les piedz des autres.  
 Helas à ma voulenté fust que les roys & les  
 princes entendissent & considerassent com-  
 me piteusement leur conuiendra laisser les  
 richesses & la gloire de ce mode, & leur cō-  
 uiendra desloger de leur haut palais pour  
 estre portez & logez en vil sepulchre tant  
 bas, si ord, & si estroit. Il leur cōuiendra lais-  
 ser leur palais tant luyfant & resplendissant  
 pour entrer en vn sepulchre tant horrible &  
 tant obscur. Ilz laisseront en douleur & tri-  
 stesse les palais & maisons peintes d'yma-  
 ges, combles & remplies de tous biens pour  
 loger leur dolent corps dedās vn sepulchre  
 puant & plein de pourriture, vuyde de tou-  
 te ioye plein de toute misere, vuyde d'en-  
 fans, de seruiteurs & de famille. Helas ou se-  
 ra alors la pompe & l'orgueil du temps pas-  
 sé, la multitude des seruiteurs qui courent  
 apres eux. Ou seront les vestemens riches  
 & resplandissans : certainement iceluy qui  
 en telle felicité & gloire mondaine viuoit  
 huy ioyeusement en son riche palais est au  
 iour

iourd'huy au sepulchre de la vermine dou-  
 loureusemēt rongé & tout de vers mangé.  
 Dequoy parle le pape Innocēt en ceste ma-  
 niere. Helas mes freres entēdez & regardez  
 Vous voyez celuy qui n'aguères viuoit no-  
 ble riche & puissant est soudainemēt pau-  
 ure & nud de tous biens au sepulchre por-  
 té. Vous voyez celuy qui tant beau, tant plai-  
 sant, triōphāt en sa force: estre hydeux: dé-  
 formé: & defait en terre sous sa tōbe. Et ce-  
 luy qui n'aguères en sa table mangeoit vian-  
 des delicioises, est cōsummé. Et à ce propos  
 semblablement escript Pierre Damian par-  
 lant de la memoire de la mort en vne epi-  
 stre qu'il enuoyoit à vne contesse. O Dieu  
 tout puissant combien est il à penser & re-  
 corder souuēt: la douleur & la crainte amē-  
 sée que souffre & soustient la pauvre amē pe-  
 cheresse, quand elle void & congnoist que  
 ce mode luy faut laisser & du heu de la chair  
 estre separée. Helas tant elle est de mōdans  
 & poignans esguillons lacérée & tormentée  
 quand elle se recorde & aduise des pe-  
 chez qu'elle a cōmis en ce monde, Les pom-  
 pes, les grands bragues, les vanitez, les gros  
 bancquiers, les vins delicatiz, & alors luy  
 souuient qu'elle n'a pas donné & aydé aux  
 pauvres.

patures. Elle void les commandemens de  
 Dieu lesquelz par sa negligence elle a de-  
 laissez, desprizez, & failly d'accomplir. Elle  
 plaint & pleure le temps qui luy estoit or-  
 troyé & donné pour faire penitence. Elle  
 pleure & craint la destreinte vengeance du  
 iugement irreuocable qu'elle void apparoi-  
 stre. Elle est contraincte de laisser le corps.  
 Elle vouloit donc reparer les fautes du réps  
 passé: mais plus n'y a de terme ne de remoi-  
 de, & ny peut estre ouye. Elle regardo der-  
 riere soy le temps passé de la vie mortelle  
 qu'elle a passé & cheminé, & il me luy sem-  
 ble fors vn petit chemin, & vne subdain  
 course & vn passage leger. Elle pleure d'a-  
 uoir perdu en si peu de temps & si briefues  
 espace l'amour de Dieu & de ses saints, &  
 pour si peu de ioye transitoire la ioye & la  
 douceur de la gloire perpetuelle. Elle a hon-  
 te & vergongne d'auoir obéy à la charogne  
 qui des vers doit estre mangée: qui à la com-  
 paignie des Anges debuioit estre présentée.  
 Elle considere & contemple à celle heure  
 les richesses des riches mortelz, par lesquel-  
 les elle est en perdition. Elle pleure d'auoir  
 perdu la clarté souveraine, & elle cognoist  
 que ce qu'elle aymer en ce mode n'est que

tene

tenebreosité. A celle heure & en ceste con-  
 templatïo douloureuse, les yeux cōmencés  
 à troubler & tourner en la teste. La poictri-  
 ne commence à trembler & à battre. Le go-  
 fier est enroué & gette courte haleine. Les  
 dentz deuiennent noires & lades. La bou-  
 che & les leures se mortifient & deuiennēt  
 passés. Tous les membres entradissent & de-  
 uiennent roides. les nefz & veines du cœur  
 rompent. Et auec cela se présenteront les  
 maux & horribles pechez, portant faux tes-  
 moignages contre la pauvre ame. Deuant  
 les yeux se presentera la compaignee des  
 diables. Et à celuy qui en ce mode aura mi-  
 sericorde de l'entia viendra la vertu Angeli-  
 que, doucement le consolant & affermant.  
 Mais à la pauvre ame pecheresse viendra de  
 la part fenestre le diable porter la puanteur  
 & la difformité intolérable de ses pechez.  
 Adonc sera l'ame dolente espouuenter, ef-  
 froyée & violemment perturbée & precipi-  
 tée. Elle est contraincte vehementement de  
 saillir hors de la chair miserable. Adonc vîet  
 la pauvre ame qui du corps se départ & s'a-  
 va sus le cōpeau de la teste, & en regardāt  
 de costé & d'autre le damnee doit estre, al  
 le meing lamentable dueil & tristesse misē-  
 rab e:

rable: en disant à part elle mesmes. O faulse  
 maudite & miserable ame du pecheur ex-  
 communicé, larron, adultere, fornicateur, par-  
 iure, & vsurier. Et en ces parolles disant: elle  
 regarde son vestemēt plus noir que plume  
 de corbeau: lequel elle auoit apporté des  
 saintz fons de baptesme si cler, si blanc, si  
 reluyfant & sans macule. Et adonc elle mi-  
 serablement & en pleurant s'escrie. Helas  
 qui est celuy qui mon vestement, qui tant  
 estoit beau tant riche & tant precieux ma  
 changé. Helas il estoit plus blanc que neige  
 plus cler que cristall. Et maintenant il est  
 maculé & souillé plus noir qu'un corbeau,  
 A celle dolente clameur s'apparoist à elle le  
 mauvais ange satanas, qui en ce mode la se-  
 duite & gouuerne, & luy dist en ceste ma-  
 niere. O mon ame & m'amie ne t'esmeruei-  
 le point: car ie suis celuy qui ce vestement  
 icy t'ay fait & appareillé. Prends confort, car  
 tu n'es pas seule: mais es accompagnée de  
 la plus part du monde. Lors dira la dolente,  
 Qui es tu qui parles à moy? Et le diable res-  
 pondra. Je t'ay ia dict que ie suis celuy qui le  
 vestement de quoy es vestue, t'ay appareillé,  
 Je t'ay monstre & enseigné au monde ma-  
 vie & mon chemin en toutes choses. tu m'as  
 creu



creu & obey, & avecques moy labouré.  
 Tu as fait & accompli tout mon conseil,  
 & pourtant viendras tu & habiteras avec-  
 ques moy au royaume auquel seras perpe-  
 tuellement triste sans ioye, faim sans vian-  
 de, soif sans bruuage, tenebres sans lumie-  
 re, putrefaction & puanteur sans nulle bon-  
 ne odeur, douleur sans consolation, pleurs  
 sans remede, noises & exclamations piteu-  
 ses sans aucune silence, vrilemens sans ioye  
 & sans modulation, feu ardent sans refrige-  
 ration, vent sans tranquillité, froid sans at-  
 trempance ne moyen, chaleur sans fin, &  
 tout mal sans espee de bien. Et pourtant  
 mamye lieue toy, & t'en viens avec moy.  
 Voicy les anges d'enfer qui viennent alen-  
 contre de toy & te chanteront chansons de  
 douleur & de tristesse qui te seront tres-  
 ameres & desplaisantes. Et adonques de  
 l'autre partie à elle apparoiſtra le bon ange  
 auquel elle auoit esté baillee de Dieu en  
 garde, & luy dira en ceste maniere, Benoiſtz  
 soyent ceux qui en ce monde fuyent &  
 eurent le vestement de trefor & tresmau-  
 dict, O tresmalheureuse ame du diable d'en-  
 fer. O tresmaudicte creature qui du Dieu  
 tout puissant es maudicte, l'ay au monde

g

avec

avec toy demouré & tu ne m'as pas voulu  
 ouyr. Et pource va aux mains des diables:  
 au lieu de peine, au lieu de cruel torment  
 & perpetuel: Lequel pour toy est préparé  
 & appareillé. Car pour tes mauldictes &  
 damnables operations tu es desia condam-  
 né à mort. Helas qui peut adonc penser &  
 explicquer l'amere compaignee des diables  
 gettans & gemissans de dueil: sourdans de  
 toutes partz & portans dardz & glayues in-  
 fernaux: par lesquelz la pauvre ame mal-  
 heureuse sera prinse & amenee aux tor-  
 mentz luy disant. **O chetive & dolente** tant  
 tu as esté orgueilleuse iusques à maintenant.  
**O** tant tu as vescu delicieusement. **O** tant  
 tu as esté vestue de diuers, riches, & pre-  
 cieux habitz. **O** que tu as esté au monde  
 forte belle & heureuse. Or nous dy mainte-  
 nant pourquoy ne manges-tu: que n'es tu  
 vestue richement. Pourquoy n'as tu à pre-  
 sent cure & soucy de tes richesses. Pour-  
 quoy ne te console tu maintenant avec ta  
 femme & tes enfans & amys. Pourquoy ne  
 resiouyst tu & parle avec eux: Et apres ces  
 parolles la pauvre ame triste & miserable  
 en pleurs & lamentations, mauldict le corps  
 en ceste maniere. **O temple de diable** tes  
 ceu

ceures & maudictes operatiōs m'ont pol-  
 lue & souillee. O maudicte terre. O habi-  
 tatiō de satanas lieue toy tost & viens avec  
 moy si verras les lieux des tourmens que  
 par toy me sont appareillez : auquel ie feray  
 sans repos iusques au iour du iugement, &  
 apres celuy iour seras avec moy en eternal-  
 le damnation : O tant sont maudictz tes  
 yeux qui n'ont voulu veoir la lumiere de  
 verité, & la voye de la iustice de Dieu: maul-  
 dictes soyent tes oreilles qui n'ont voulu  
 ouyr les parolles de la vie eternelle. Maul-  
 dictes soyent tes narines qui n'ont voulu re-  
 cepuoir l'odeur des saintes vertuz. Maul-  
 dictes soyent tes leures & ta langue qui  
 n'ont voulu gouter les ioyes de la gloire  
 eternelle : & qui n'ont voulu buoir  
 l'huy de la louenge, l'honneur, & exal-  
 tation de leur createur. Maudictes soyent  
 tes mains, quand par elles n'ont esté aux  
 pauvres les aumoines donnees & presen-  
 tees. Maudictes soyent de ton cœur les  
 entrailles : car ilz ont en ce monde don-  
 né & mis hors maint faulx & mauvais con-  
 seil. Maudictz soyent tes pledz, qui de l'e-  
 glise de Dieu n'ont point les sentiers visitez,



Maudictz foyent tous tes membres & tes operations , car ilz n'ont point desiré ne attrait à eux la ioye des cieux:mais ont prins esleu , & accepté les tormentz eternalz.Or considere de rechef amy , de combien de grand peril deliurer tu te peux : & quelle grand craincte tu doibs auoir de fuyr le monde & de la mort songneusement douteable. Estudie en ce monde à tellement viure que à l'heure de la mort , tu ayes cause de plus t'esliouyr que de craindre. Aprens à mourir en ce monde maintenant & à despriser toutes choses: afin que tu puisses habiter avec Iesus Christ en sa gloire. Chastie en ce monde ton corps par penitence: afin que apres ta mort tu ayes certaine & seure confidence. O que celuy est heureux & prudent qui prend peine & s'efforce d'estre tel en sa vie qu'il veut & desire estre apres sa mort. Helas faitz doncques & pourchasse à ton pouuoir ton salut tant que tu as espace : car tu ne scais quand tu mourras , & si ne scais que tu trouueras apres. Ne te confie point à tes amys ne à tes parens : Car certainement ilz te auront mis en oubly plustost que tu ne penses. Se tu n'as maintenant cure & sollicitude de toy , qui la prendra

dra pour toy apres ta mort. Helas il vauſ  
 micux en ce monde haſtiuemet pouruoir  
 à ſes affaires , & aucun bien faire de ſoy  
 meſmes : que auoir eſperance & attente au  
 ſecours ou ayde d'autrui. Tant comme tu  
 as eſpace aſſemble richelſſes immortelles  
 par largeſſe d'aumoſne. Faietz & enquierſ en  
 ce monde les honorables amys. C'eſt aſſa-  
 uoir les ſainctz de paradis afin que par tes  
 biensfaietz. Ilz te reçoient en la gloire des  
 cieux. Car ainſi comme diēt ſainct Gregoi-  
 re. Nous debuons bien mettre noſtre cure  
 quotidiennement en pleurs & larmes, en  
 craignant la dānation de l'ame. Sainct  
 Bernard diēt. O mon ame quelle ſera la  
 crainte & la paour quand il cōuendra laiſ-  
 ſer toutes choſes deſquelles la preſence te  
 ſemble eſtre tant ioyeuſe & le regard tant  
 agreable. Elle demourera, & tu t'en yras.  
 & entreras en vne region inēōgnue: & ver-  
 ras à l'encontre venir les cornuz monſtres  
 hydeux. Qui eſt ce qui te viendra ſecourir  
 au iour de celle grande neceſſité. Qui te gar-  
 dera adonc des lyons rongeurs qui te vien-  
 dront raurir. Lors ne te pourra nul donner  
 confort ne conſolation. Mais autrement  
 ſera des iuſtes : car les ſainctz anges vien-  
 dront

drontalencontre d'eux : qui les diables re-  
 getteront & contraindront , affin que les  
 sainctes ames ne puissent empescher. Et icel-  
 les en ioye & melodie aux cieux les porte-  
 ront. Sainct Bernard parlant de l'ame pe-  
 cheresse dict en ceste maniere: que à l'yssue  
 du corps elle à craincte & horreur: au passer  
 honte , & au regard de la gloire du grand  
 Dieu confusion. Dequoy dict le spalmiste.  
 La mort des pecheurs est tresmauuaise. El-  
 le est mauuaise en la perte de ce monde.  
 Elle est pire à la separation du corps. Elle  
 est tresmauuaise pour la morsure de la pua-  
 re vermine & pour l'ardeur & bruslement  
 du feu eternel. Et puis apres mauuaise cho-  
 se est ceste perte de la separation de cõt-  
 em-  
 plation diuine. Pour lesquelles choses tres-  
 cher amy , considere que la mort ne peut  
 faillir ne decliner : son heure ne peut estre  
 sceuë ne inuestiguer : & le temps de Dieu  
 ordonné ne se peut muer. Et certainement  
 quand la vie seure & desirée est en deuotiõ  
 acceptee la mort du iuste est bonne pour  
 cause du repos meilleur pour la nouité , &  
 tresbonné pour l'assurance.

*Des*

*Des grandes ioyes de paradis & des peines d'enfer. Chapitre. VII.*



Il est Es-  
cript par  
monsei-  
gneur S.

Paul en vne Epi-  
stre qu'il enuoye  
aux Corinthiës au.  
v. chapitre. Que  
l'œil n'a point veu,  
l'oreille n'a point  
ouy, ne au cœur

de l'homme iamais n'entra ou monta les  
choses q̄ nostre seigneur Dieu a preparees  
à ses amys. O pauvre & dolente ame peche-  
resse, pout & affin que tu puisses despriser  
& vil tenir toutes les choses qui sont en ter-  
re: entens & considere diligemment quelles  
& combien grandes sont les choses qui sont  
appareillees aux esleuz & amys de Dieu.  
Car certes tu doibs scauoir que aux cieux à  
tant de rayes: que tous les arithmeticiens en  
leurs nōbres ne les peuuent nombrer, ne cal-  
culer: tous les geometriens ne les scauoyent  
mesurer: tous les grammairiens, dialecti-

ciens, & rethoriciens en leurs sermons ne les scauroyent, ne peuuent explicquer: car ainsi cōme il est dict deuant: œil n'a point veu, l'oreille n'a point ouy; &c. Certainement en la gloire eternelle tous les sainctz se esiouyrōt sur eux de la visiō de Dieu. Dedās eux de la beauté du ciel & des autres creatures spirituelles. Entrē eux de la glorificatiō du corps. Et iouxte eux l'association des anges & des hōmes. Vn vaillāt docteur Anselme met & declare sept dons de l'ame que les iustes auront en la beatitude celestielle. Et premiere-  
 mēt il met les biēs du corps qui sont en beauté, velocité, force, liberalité, santé & volupté. De la beauté dict celuy docteur q̄ la beauté des iustes sera semblable au soleil sept fois plus cler & resplendissant qu'il n'est maintenant laquelle chose resmoingne l'escripture ou il est escrit. Les iustes resplendiront comme le soleil au royaume de leur pere. Velocité: les iustes tellement accompagnera que aux anges de nostre seigneur semblable les fera qui des cieux en la terre & de la terre es cieux plus leger & soudain que mouuemēs de doigtz vont & se transportent. De laquelle velocité peut estre exemple familiere veue par les rays du soleil,



leil, lequel tantost se lieue en la partie orientale. Et par experience pouuons nous veoir & cōgnoistre de nostre future velocité cōme il soit ainsi que aux choses qu'ilz ont aimees sera veu estre plusgrād velocité que aux autres. Car en force & vertu ceux qui de la compaignee des souuerains citoyens seront accōmpaignez excederont & passeront tous autres, soit en toutes leurs operations exercāt, nō plus de peine, de trauail, ou labeur, souffrerōt que ce q̄ nous souffrōs maintenant au mouuement de nos yeux. Et pourtant ie te prie & supplie qu'en ton ame ne refuses la multitude de la grace que Dieu le createur ta donnee, & en approuuōs nostre valleur es choses ausquelles des anges semblable puissance nous est dōnee. Affin que leur asseurance & liberte necessairemēt nous puissions ensuyuir. Certainement tout ainsi que aux Anges rien qui soit au monde ne peut nuyre ne les empescher ne contraindre que à leur vouloir & liberal arbitre, ilz ne penetrēt toutes choses. Tout ainsi n'y aura obstacle nul qui nous retarde, ne closture qui nous detienne, ne element qui à nostre vouloir rāt soit petit obsiste ou puisse nuyre. Et quād pour parler de la san-

ré: quelle chose est meilleure que le salut & le repos des iustes. Quelle maladie est-ce qui pourra nuire à ceux qui sont au port de vray salut. Et en effect nous debuons croire indubitablement & tenir & affermer la santé de la vie future estre si tresnoble, & incorruptible & immuable, & elle puisse remplir l'hōme d'une santé insuperable, & aussi d'une douceur innumerable, qui toute lesion suspectiōneuse cōtraigne, & vaille remplir. Itē en la vie future il y a vne volupté de delices qui rassasie & enyure les bōs de la douceur inestimable, tous les assouira en chascune partie du corps. C'est à seauoir les yeux, les oreilles, les narines, la bouche, le gosier, les mains, le cœur, le gisier, le poulmō, les os, la mouëlle, les entrailles, les iambes & les piedz: entant que tous les mēbrēs vont par ordre, singulietement & tous ensemble seront remplis de discretion admirable & de douceur inestimable: en telle maniere que chascun sera de la fruiction de gloire eternele remply & rassasié. Parquoy doncques celuy est bien de son salut ignorant & negligent qui ne veut mettre sa pensee, son cœur & son affectiō pour paruenir à la haute & sainte gloire eternele. Car apres

& ou

& outre toutes choses ceux qui seront en  
 vie eternelle auront vie pardurable, nom-  
 pas seulement vie q̄ les humains appetent:  
 mais auront vie telle comme il est dit. C'est  
 à scauoir que les iustes viuront avec Dieu  
 le createur, & avec tous les sainctz & sain-  
 ctes de paradis eternellement. Plusieurs au-  
 tres choses sont & y doibuent estre adiou-  
 stees, qui plus affierent & cōuiennēt à l'ame  
 que Dieu à faicte & crée tant noblement  
 que au corps: C'est à scauoir Amitié, sapien-  
 ce, concorde, puissance, honneur, assuran-  
 ce, & ioye. Et premierement sapience sera  
 telle en la vie aduenir que l'ame scaura &  
 cōgnoistra toutes choses quelle voudra sca-  
 uoir & cognoistre. Et ce par la donation de  
 Dieu tout puissant, lequel scait toutes cho-  
 ses presentes, passees, & aduenir. Car en tel-  
 le gloire singulierement sont congneuz de  
 tous les vngz des autres. Et adonc ne pour-  
 ra nul celer ou taire de quel pais & de quel-  
 le lignee, ne de quel lieu, ou quelles opera-  
 tions il à exercez en sa vie. Et en telle ioye  
 prudence & fecundité: seront les iustes en  
 paradis, en la maniere que par amitié la diui-  
 ne puissance par son ardante & seruante  
 dilect iō les fera en vray amour parfaitz: cō-  
 me

me vniz & conioinctz en vn mesme corps: duquel Iesus-Christ est chef & teste: qui est la vraye paix & la vraye amour: car tous aymeront l'un l'autre cōme les membres de leurs propres corps: Tu aymeras les autres cōme toy mesmes. Et tu seras des autres cōme eux aimé. Tu seras abōdant en dilectiō comme à vraye & pure possession. Et pour tant regarde & contēple celuy qui par toutes choses biē te vaudroit: car par vne donc ce suauité, tu l'aymeras plus que toy mesmes: Ainsi sera entre les sauuez vne telle cōcorde que tu ne sentiras ou appercēuras aucune chose qui à ton vouloir soit contraire. Nous serons tous vn mesme corps & vne mesme ame, espouse de nostre seigneur Iesus-Christ. Et plus n'y aura entre nous de discorde ne discention que maintenant y à entre les membres d'un corps: & tout ainsi que tu vois ou cognois es mouuemens des yeux de la part ou l'un se tourne l'autre vantage & s'ensuyt, & ainsi sera de toy: car ou ton vouloir sera conuertý le vouloir de tous les autres sera subitemēt à toy prest. Et qui plus grand chose est à réciter: la volonté de Dieu ne sera de rien diuerse, ne à laienne contraire. Mais tout ainsi que vou-

dra

dra ta volonté, la sienne sera fermee, Car  
 iamaïs la teste ne cōtrediroit aux membres.  
 Considere doncques quand tu auras Dieu  
 à ta volonté en concorde & vnion tu ne  
 pourras chose appeter: que à ta volonté ne  
 soit faicte. Car tu auras la volonté du tout  
 puissant en toutes choses à toy concordan-  
 te. Or doncques puis que de tant de biës tu  
 auras la possession: tu deburas bien estre cō-  
 tent en estimant que alors tu seras en vie  
 eternelle, en assurance de iamaïs n'en par-  
 tir, & en assurance de tous aduersaires, car  
 nul ennemy, le grand bien inestimable ne  
 peut penetrer ne atteindre pour la multitu-  
 de de ceux qui en ont la possession qui sont  
 outre mille milliers à dix fois outre mille  
 centz de milliers, innumerables, qui tous  
 fruissent & iouissent d'une mesme beatitude,  
 par telle condition que chascun prend de-  
 lectation & plaisir autant au bien d'autrui  
 comme au sien. Et outre ils s'esioyissent de  
 la vision de Dieu, lequel sur eux ilz ayme-  
 ront, & lequel plus que eux mesmes les ay-  
 mera. Pour lesquelles choses est à cōsiderer  
 puis que ainsi est que les bien-heureux se-  
 terôt de telle felicité répliz en la gloire des  
 cieus, & les pauvres & miserables damnez  
 le

seront par opposite tormentez. Et ain si en  
 puanteur traictiez l'angoureux, dolooureux,  
 & tristes persecutez: car la ioye perpetuelle  
 que les iustes auront fera aux pecheurs in-  
 terminable peine. Par laquelle ilz seront tor-  
 mentez. Et pour parler de la sapience des  
 iustes tu doibs scauoir & entédre que tout  
 ain si que ce qu'ilz scauront sera en l'hon-  
 neur, ioye, exaltation, & augmētation: ain si  
 sera aux pecheurs leur scauoir en pleurs, cō-  
 fusion, diminution & lamentation. Et de  
 l'amitié de laquelle les iustes sont ensemble  
 liez se aucune portion es dānez en est trou-  
 uee elle sera en augmentation de leur tor-  
 mēt: car de tant plus auront l'un l'autre ay-  
 mé: de tant en leurs peines & tormētz plus  
 se plaindront: car ilz auront discorde à tou-  
 te creature: & toute creature discordera  
 avec eux: car toute impuissance, toute dif-  
 formité, & toute calamité les ensuyura. Et  
 leur sera telle malediction donnee que de  
 nulle chose qu'ilz appetent ilz ne pourront  
 auoir. Et de toutes les choses que ilz auront  
 ilz e voudront point. Et ain si pour l'amour  
 des bons, ilz obtiendront perpetuel oppro-  
 bre, & inestimable vitupere: par lesquelz ils  
 seront sans fin forclos, priuez, & deboutiez  
 de

de toute ioye & felicité. Et tout ainsi que les amys de Dieu le souuerain createur seront asseurez & fermes de non iamais perdre les biens de gloire eternelle: ainsi les misérables damnez pecheurs du tout se desespereront pourtât qu'ilz sauront & cōnoistront que iamais ilz ne peuuēt perdre leur dolente calamité, leur tormēt & peine pardurable, Et par ainsi pour recompense les bons auront ioye sans fin: les mauuais aurōt pour heritage tristesse inestimable. Car cōme dict le bō docteur Anselme. Tous ceux qui pour la concupiscēce de la chair, passent leurs iours en ce monde, ilz ont & accōpaignent avec eux tous les grans diables d'enfer. Et saint Augustin dit à ce propos. Dieu letifiera, consolera, & esiouyra tous les sens des benoistz beatifiez par vne delectation spirituelle: car c'est celuy seul & propre obiect de nous. Nostre seigneur sera donc alors mirouër à la veuë, herbe à l'ouye, baume à sentir, & fleur au toucher: & pourtant il s'est fait homme, affin que l'homme totalement beatifiast en contemplant son humanité. Et pour briuelement parler selon saint Augustin, & saint Gregoire; en la gloire des cieux y à tant de grande beauté,

de

de iustice, tant de ioye, tant de lumiere eternelle, q's'il estoit licite & possible que l'homme n'y peut demeurer ou viure seulement que par l'espace d'un iour: toutes les delices, la substance, & l'abondance des biens temporelz de ceste vie mortelle, seroyent à despriser au regard de celuy iour eternel. Et pourrât il n'est pas en vain escript. Meilleur est vn iour en tes sieges que mille. Qui peut penser ainsi comme dict saint Bernard en ceste vie mortelle combien grande est la felicité des saints, de veoir Dieu, viure avec Dieu, estre aymé de Dieu, qui est par tout & en toutes choses, & auquel est souverain bié & souveraine felicité, souveraine iocūdité, vraye liberalité, parfaite charité, assurance & société eternelle, de quoy dit saint Augustin. O quelle ioye à la creature bien heurée, veoir Dieu qui la faicte, qui la sauue, qui la glorifie; Veoir la face de son Dieu qui est souverain bien: ioye des Anges & de tous les saints. N'est-il pas ainsi q' dit saint Gregoire: Dieu de beauté inestimable: que les Anges qui sept fois plus excèdent le soleil par leur beauté ilz desireroient incessamment regarder sa face. Item dict Saint Augustin. En la gloire eternelle ne pourra s'endormir aucune



cune malice , nulle misere de chair , nulle  
 voulenté de pecher , ne puissance de delin-  
 quer. Mais toute seureté & toute ioye posse-  
 deront les hommes seront aux anges associez.  
 O mon ame tu as ia ouy & entendu q̄ gran-  
 des sont les ioyes des iustes , quelle grande  
 lyesse, quelle grâde serenité & iocūdité il y a  
 en celle grâde & supernelle cité. O curieuse  
 iocundité. O ioyeuse felicité, veoir & accō-  
 paigner les sainctz , & auoir Dieu avec soy  
 pardurablement. Helas se par chascun iour  
 il nous conuenoit porter les tormentz &  
 long temps la peine d'enfer endurer affin  
 que puissiōs Iesus-Christ veoir en gloire: &  
 à ses sainctz estre associez: ne deburiōs nous  
 pas bien souffrir toute destresse, pour estre  
 de si grand gloire participans. Et pourtant  
 demandons la departie des desirs terriens;  
 mettons hors du cœur toutes illicites cogi-  
 tations , & retournons à la cité celeste en la  
 quelle nous sommes escriptz & citoyēs de-  
 cretez. Faisons doncques ainsi que citoyens  
 domestiques: & ainsi que les hoirs de Dieu  
 & de Iesus-Christ, affin que à luy tous puis-  
 sons paruenir. Et se nous demandons com-  
 ment. Il conuient accomplir tous les com-  
 mandemens de Dieu, & il te donera son pa-  
 radis.

h

radis.

radis. Il ne quier ne demande autre pris  
 que toy mesmes. Dōne toy doncques à luy  
 & tu le possederas. Iesus-Christ s'est baillé  
 luy mesmes pour le pris du peuple: afin de  
 l'acquiesce le royaume de Dieu le pere: don-  
 ne toy doncques à luy, afin que son royau-  
 me soit à toy, & que pechie ne regne point  
 en ton cœur ne en ton mortel corps: mais  
 fâictz en toy regner l'esprit en acquisition  
 de vie. O pauvre ame pecherelle & misera-  
 ble, te les choses que i'ay devant dietes des  
 royes & excellentes, desquelles les sainctz  
 & benditz eluez de Dieu iouyront de te  
 amouvent à desceulr moyennant la grace  
 de Dieu le regne celeste par penitence &  
 eueures vertueuses: crains & redouble & en  
 craignant considere les miserables conditios  
 & peines d'enfer, qui est la cite du diable:  
 afin que par pœur & crainte tu te conuer-  
 tisses à Dieu souverain seigneur de tout.  
 Tu doibz scauoir que ainsi que les pechez  
 des damnez sont diuers: tout ainsi sera en  
 eux la peine diuers: car saint Gregoire  
 dict qu'en enfer deüons croire estre vn feu  
 lequel ne brulle, ne tormente pas les pe-  
 cheurs tout en vne maniere: car en chascun  
 à part soy telle & aussi grande sera la poi-  
 ne,

ne, cōme aura esté la ~~co~~olpe: ainsi que d'un  
 mesme feu diuerses manieres & autrement  
 est brussee la paille, autrement le bois, & au-  
 tremēt le fer. Le feu qui est en enfer, est telle  
 mōt enflabé & de l'ire du iuge embrasé, q̄ ia-  
 mais de nul autre embrasement n'a besoing:  
 du quel dict Job: Le feu les deuorera qui ia-  
 mais ne destaindra. De la crudelité de celuy  
 feu dict saint Sebastian, que feu sensible en  
 ce monde est aussi semblable au feu de sim-  
 ple caide riede. Et Isidore dict: En enfer aura  
 vne lumiere obscure, par laquelle les dānez  
 pourront veoir: afin que ilz se deulent, &  
 n'ont pas qu'ilz s'en esioyffent. Et certain  
 mōticeux, qui l'aurēt veu de son donnemēt  
 en ce monde le verroient avec eux aux tor-  
 mentz afin que par la condiuion d'une pro-  
 pre peine, leur charnelle cogitation soit de-  
 uant leu's yeux mise & donnee par sembla-  
 ble vengeance. Icy endroit peut estre de-  
 mander vne question: C'est assauoir se les  
 damnez hayēt la gloire des iustes: A la que-  
 stiō respond saint Gregoire en l'omēlie du  
 riche. Il est à croire que deuant la tribulatiō  
 du dernier iugement les dānez verront au-  
 cuns iustes en gloire & honors, de laquelle  
 visiō & pour le bien qu'ilz ont eue avec leur  
 h 2 peine

peine seront tormentez: mais les iustes tou-  
 siours verront les mauuais aux tormetz: affin  
 q̄ de telle visiō croisse leur ioye: car ilz regar-  
 dent le mal que misericordieusement ilz ont  
 euadé & fuy. Et de tant plus grās graces ren-  
 dent ilz à Dieu leur createur: car ilz voyent  
 le danger & peine miserable en laquelle ilz  
 debuoyent estre mis: se de Dieu eussent esté  
 delaissez, Et en vn autre lieu diēt iceluy  
 sainct Gregoire, la peine des damnez ne fru-  
 stre point la beatitude des iustes. Car les  
 sainctz adonc n'auront point de compassiō  
 de leur misere, & ne pourra la vision de la  
 peine des damnez diminuer ne amenuyser  
 la ioye des sauuez. Et si en la nature de leur  
 bonté ont misericorde, ilz sont tant alors à  
 Dieu conioinctz par telle rectitude qu'ilz  
 ne peuuent estre esmeuz d'auoir compassion  
 des mauuais, Et à ce propos est diēt, que la  
 misere de la femme des enfans, & des parés  
 ne pourra cōtrister les sainctz. Les damnez  
 donc verront les sauuez en gloire deuant le  
 iour du iugement: nompas en telle manie-  
 re qu'ilz puissent scauoir ne congnoistre  
 quelle est leur gloire: mais tant seule-  
 ment les congnoistront estre en vne inesti-  
 mable gloire. Pour laquelle chose serōt par-  
 eue

enuie tormentez, eux condolens de la feli-  
 cité des iustes, de laquelle ilz sont priuez:  
 ne iamais pour telle vision ne sera leur peine  
 moindre, mais augmentee. Car ilz auront  
 en leur memoire la gloire des sauuez, qu'ilz  
 ont au iugement ou deuant veuë, qui leur  
 sera torment cruel. Et outre plus seront tor-  
 mentez de ce qu'ilz se verront estre reputez  
 indignes de veoir la gloire que voyent les  
 sainctz. Aucuns demandent vne autre que-  
 stion, c'est assauoir se les damnez voyent  
 les choses qui en ce monde sont faictes. A  
 quoy respond saint Gregoire au second li-  
 ure des morales traictant semblablement  
 telles choses. Et en Iob. 9. chapitre que des  
 honneurs & des choses mondaines de ce  
 mode ilz n'en auront point de congnoissan-  
 ce. Car comme ceux qui sont encores vi-  
 uans ne scauent en quel lieu sont les ames  
 des mors: aussi ne scauent les mors comme  
 ceux qui sont apres eux en vie demourez se  
 disposent, car la vie de l'esprit est loing de  
 la chair: & au regard des ames des sainctz il  
 est assauoir que puis que dedans voyent la  
 clarté du tout puissant: il n'est pas à croire  
 que dehors puisse estre aucune chose qu'ilz  
 puissent ignorer. Les bons voyent donc-  
 h 3 ques

ques les choses qui dehors sont, & n'ompas  
 les mauvaises. Et se tu vouloys dire que plus  
 y a de distance entre les sauuez & les dam-  
 neez que entre les damnez & les choses qui  
 au monde se font, & que par ceste raison  
 se les damnez ne voyent les choses qui au  
 monde se font : par plus forte raison ne  
 doibuent veoir la gloire des sauuez. A quoy  
 ie respondz que les choses de ce present  
 monde ne tormenteroyent pas tant les  
 damnez en enfer s'ilz les voeyent comme  
 les tormentez le regard de la vision de la  
 gloire des saintz. Et pourtant n'est point  
 permis aux damnez de veoir les choses qui  
 en ce monde se font : mais leur est permis  
 veoir & leurs sont demonstrez les choses  
 qui leur torment & peine peuuent augmen-  
 ter. Item on pourroit demander se les dam-  
 neez voudroyent tous les autres estre en en-  
 fer. A quoy ie respons que tout en telle ma-  
 niere que au royaume de paradis entre les  
 saintz aura tresparfaicte charité & dilectiō:  
 tout ainsi par contraire entre les damnez en  
 enfer aura haine & discord tresparfaict.  
 Car comme les saintz se esiouyront de  
 tous biens : les pauvres damnez miserables  
 de tous biens se plaindront, grandement  
 les

les tormentera la consideration de la felicité des saintz. Parquoy ilz voudroyent que tous les sauuez fussent damnez en enfer. Car si grande enuie regnera en eux que de la gloire de leurs plus prochains amys ilz auront enuie. Non pourtant nous trouuons qu'ilz n'ont pas tant d'enuie de la damnation de leurs parens que des autres. Car ce leur feroit plus grand peine que se tous leurs prochains estoient sauuez. Et de ce auons exemple du mauuais riche lequel requist & demanda ses freres estre gardez de venir avec luy en damnation, & en cela monstroit il qu'il congnoissoit aucuns, pouoir eschapper de damnation. Mais entre les autres il vouloit & desiroit ses freres estre sauuez pour les causes dictes: C'est assauoir qu'il congnoissoit la peine pour leur damnation croistre. Et sachez que non obstant ce, que pour la multitude des damnez leur peine accroisse, non obstant croist incessamment entre eux telle enuie & telle haine que plus desirent & ayment estre en enfer tormentez avec plusieurs ensemble qu'en la compaignee d'un seul. Item peut enquerre & demander se les mortz & principalement les damnez se recorderont des

choses qu'ilz auront sceues, faictes, ou exercees en ce monde. A laquelle chose ie dy que aux damnez sera vne consideration des choses qu'ilz auront sceu ainsi que cause materielle de tristesse nompas comme cause de delectation. Certainement ilz considerent les maux qu'ilz ont faictz & perpetrez, par lesquels ilz sont damnez. Et les biens qu'ilz ont perdu, parquoy d'une part & d'autre seront tormentez. Oultre ces choses sachez que en enfer sera double peine. C'est assauoir peine de dam & peine de sens, lesquelles touche nostre seigneur Iesus-Christ ainsi que saint Matthieu le recite en son 7. chapitre ou il dict. Tout arbre qui ne porte fruit sera couppé mis, & enuoyé au feu. De la peine de sens, qui peut estre en plusieurs parties diuisee dict saint Gregoire sur ce pas, & saint Matthieu. 8. chapitre. Ilz seront gettez en tenebres exteriores: c'est à dire en enfer ou sera froid insuperable, feu inextinguible, vers & serpent immortel, strideur intolerable, tenebre palpable, flagellement de torméteurs horribles visiōs de diables, cōfusiō de pechez, & desespoir de tous biēs. Et par ainsi les dānez seront pleins de toute douleur & tristesse.

Car



Car ilz auront pleurs & larmes aux yeux: strideur entre les dens, puanteur aux narines, gemissemens en voix, horreur & espouuanteur aux oreilles, liens aux mains & aux piedz, feu & ardeur en tous leurs membres. Dequoy il est dict. Enfer est vne fosse mortifere pleine de douleurs & miseres, car ainsi qu'il est escrit en Esaie xiiij. chap. Vn chascun sera de son prochain esbahy & esmerueillé, & sera leur vraye face cōme bruslee. Et en Baruch ij. chap. est dit. De la fumee serōt leurs faces noires. Car ainsi est escrit en Iohel au second chapitre, La semblance & signe des pecheurs sera faicte semblable à vn vil & viel vaisseau. Item pareillement on peut considerer la crudelité des peines infernalles par les pleurs & estrainctures des dentz, par le desir de la mort, par manger sa lāgue, & blasphemie du createur & par plusieurs autres signes qui sont aux dānez apperceuz, ainsi qu'il est en plusieurs escriptures recité. Et pourtant il est dict en l'Apocalypse. Il est escrit que par grand douleur ont mangé leurs langues. Et ont blasphemé Dieu du ciel, pour la grād douleur de leurs peines treshorribles. Si grand douleur & si grād peine souffrirōt les pauvres pecheurs

h s que

que la vie que tous appetent, ilz despriront. Et la mort que tous veulent fuyr par vn ardent desir conuoiteront. En iceux iours les pecheurs querront mort, & ne la trouueront point. Ilz desireront mourir & la mort les fuira. Et Chrysostome dict. Que pourrôs nous adonc dire ne respondre. Car en ce lieu n'y aura que pleurs, vilenens, & cruelle penitence. Car alors cesseront aydes & secours. Et de toutes pars viendront peines sans vn seul soulas. En ce lieu ne viendra deuant noz yeux fors seulement administrateurs de peines & tormentz, & les faces seulement des bourreaux : & qui est le propre de ce lieu seulement n'y aura en l'air quelque petit soulas de lumiere. Consideres donc quelle cremeur, quelle reuolution d'entrailles & de membres. Combien grans & quelz tormentz sont à tous les sens appareillez : car tant sont grans & detestables que sermon tant soit long ne le scauroit expliquer. Et de la peine de dam dict Chrysostome en ceste maniere. Que aucuns folz de leurs sens abusez cuyderont & penseront en leur petit entedement apres ceste vie mortelle estre assez chose suffisante à leur gloire s'ilz sont priuez & exemptez du feu d'enfer. Mais  
 quant

quant est à moy ie repete & dy, tous tormētz n'estre plus griefz & pesans que la peine d'enfer. Cest assauoir d'estre osté, séparé, & exclus de la grace de tous biens qui sont aux sainctz appareillez. Certes ie tien que plus est griefue la peine & intolerable torment d'estre de la iocundité de gloire celestielle deboutté: que estre en la haine de Dieu & ouyr sa rigoureuse parolle quand il dira, Je ne vous cognois point: que ne seroit dix mille fois foudre eternelle souffrir: car plus grand douleur ne peult estre à nulle creature humaine que de veoir Dieu misericors plein de bonté & de toute pitié estre son aduersaire & son contraire. Et aussi estre des glorieux yeulx de la tranquillité diuine regardé en indignation. O tresbening filz de Dieu plaise à ta sainte misericorde, que ce torment cruel & intolerable ne puissons experiméter. O pauures pecheurs comme dict Chrysostome, douleur soit à nous si nous ne pēsons à nos detestables pechez. Helas, trop sommes accoustumez à mal faire, & à pechez commettre. O riches mondains pensez vous point qu'estes aueuglez en voz richesses, pompes, & vanitez? Dieu vous à il donné les graus biens, richesses, & tresors,

tresors, d'ot estes possesseurs en cestuy mor-  
 tel monde si ce n'est pour donner à ses pau-  
 ures membres? Certes non. Et notez bien,  
 que Dieu ne vous à permis estre riches en  
 ce monde: sinon à l'intention qu'en fussiez  
 les bōs boursiers & despensiers pour ayder  
 à nourrir & vestir les pauvres. Et se voulez  
 scauoir ou l'aumosne de Dieu sera bien em-  
 ployee, notez. Il faut donner aux bons pau-  
 ures prebstres, gens de bien & de bonne re-  
 nommee, non beneficiers: & leur faire cele-  
 brer messes, & prier le bon Dieu pour les  
 ames des viuās & des trespassez: pour main-  
 tenir les bons en leur bonté, & amender les  
 meschans en les ostāt hors de leur meschan-  
 seté: & aussi pour tous les biens de la terre.  
 Secondement conuient donner aumosne: à  
 toutes pauvres gens indigens, si cōme vieil-  
 les gens qui ne peuent plus gagner leur  
 vie: Bōnes pauvres filles à marier: Bons pau-  
 ures mesnagers lesquelz ont grosse charge  
 d'enfans: Pauvres veufues: enfans orphe-  
 lins: & generalmente à tous pauvres Chre-  
 stiens, seruiteurs de Dieu: en luy priant, vou-  
 loir amēder tous pauvres pecheurs & main-  
 tenir les bons. Tiercement, conuient don-  
 ner à l'œuure de l'Eglise: si comme à vostre  
 parroi

parroisse, aux monasteres des pauvres religieux & religieuses bien reformez : & aux autres pauvres eglises lesquelles ont affaire de reparation & entretenement. Et en ce faisant ferez bonnes & vrayes aumosnes. Autrement si vous dōnez aux riches & laissez les pauvres : Vous ostez ce qui est à Dieu, pour donner aux diables, Et touchant les matieres dessusdites plusieurs disent que Dieu n'a pas creé l'homme, ne la femme pour les damner : & que s'ilz estoient damnez que Dieu ne seroit pas iuste, Saint Gregoire fait celle propre question, & luy mesmes en donne solution. La question est telle. Comment peut Dieu estre iuste, & que la coulpe pour certaine & bresue fin perpetree, doibue estre sans fin la pauvre ame eternellement punie. A laquelle question ledict saint Gregoire donne telle solution. Iustement & droitement seroit la question muée, se ainsi estoit que le Dieu tout puissant ne pēsast point les intentions des cœurs, mais tant seulement les parolles. Certainement les pecheurs pecheroyent sans fin, se sans fin ilz viuoyent : car ilz sont enclins à mal, que s'il estoit en leur puissance de toujours viure, toujours pecher voudroyent.

Et

Et bien monstrent que tousiours pecher  
desirēt quād iāmais de peché ne se depar-  
tent. Pourtant appartient il bien à la iustice  
du grād iuge de iuger iceux pecheurs après  
la mort ne estre iāmais sans peine ne tormēt  
veu qu'en la vie mortelle ne farent sans pe-  
cher, & que au pecheur ne soit donné nul  
terme de vengeance, qui ne voulut onques  
auoir terme ne fin de peché. Vne autre rai-  
son peut estre assignee pourquoy peché  
mortel oblige l'hōme à peine perpetuelle, la  
quelle raison peut estre prise & fondee quant  
au regard de celuy contre lequel le peché  
est commis ou perpetré; c'est à scauoir Dieu  
qui est tressouuerain hōné & puissance in-  
finie. Car ainsi que dict Aristote au septies-  
me des Ethicques. De tant plus est grand  
celuy à qui on fait offence, de tant plus grā  
de punition est digne le pecheur. Et Chris-  
tostome dict Telle est l'injure comme celuy  
à qui elle est faite. Car se l'injure petite est  
faite à vne grande personne, la faute est re-  
putee grande. Et se elle est faite en vne pe-  
tite personne, elle est petite reputee. Pour  
lesquelles choses ie te prie mon amy, regar-  
de & considere le chemin à son ame salu-  
re, & la voye qui te peut mener à dēuatiō  
cter

éternelle. Helas pauvre pecheur que te  
 vault il mieux en ce present mode pour tes  
 pechez plorer & gemir en penitence ou  
 de languir apres la mort en peine & douleur  
 éternelle. Helas , en ce present monde par  
 larmes & penitence tu pourras de seruir en-  
 uers Dieu grace , pardon , & misericorde  
 Pleure doncques mon amy en ce present  
 monde vne briefue espace de temps : assés  
 qu'en l'autre monde tu ne soys contrainct  
 à gemir & pleurer perpétuellement. Prends  
 en ce monde humilité : afin qu'en l'autre  
 ne soyes humilié en tenebres obscures &  
 parfondes , & enuoyé & mis au feu ardent  
 inextinguible. Benoist soit celuy qui en ce  
 monde se haste, de faire oeures par lesquel-  
 les il puisse estre trouué digne au iour du  
 grand iugement. Et miserable soit celuy  
 qui pour commettre peché se constitue &  
 establiss indigne, de la gloire de Dieu le tout  
 puissant, Car à celle heure sera le ciel ou-  
 uert pour recepuoir les sainctz en éternelle  
 gloire , & d'autre part seront les diables ra-  
 uissans les pecheurs , & les liurans au four-  
 neau de feu éternel. Helas helas mes amys  
 qui donnera à ma teste eaue sans mesure,  
 à mes yeulx fontaine de larmes cou-  
 rant

rant continuellement : affin que moy mesmes pleure de iour & de nuict : en priant mon Dieu, mon createur, que ie puisse estre trouué digne à l'aduenement d'icelluy souverain iuge: & qu'il ne me dise avec les malheureux damnez ceste horrible & redoutable sentence, Departez vous de moy operateurs d'iniquité, ie ne scay qui vous estes. De laquelle sentence, tu nous vueilles preserver & deffendre nostre seigneur Iesus-Christ. Qui vifz & regnes  
 eternellement au siecle des siecles.

Amen.

*Post. Elevatione Calicis. etc.*

**F I N.**

**S**alvens sancta caro dei per qua salui sumus. *verci seruos tuos redemisti su in cruce perē disti quando mortē occidisti vnda que te manauit a peccato nos mundauit quod patrauit print9 homo inobediens de pomo sancta caro tu me munda sanguis & benigna vnda laua me ab omni sordē & ab infernali morte Per tuā benignitatē confer mihi sanitatē & s̄ta prosperitatē. frange meos inimicos fac eos mihi amicos & superbiā illoꝝ destrue rex angeloz Tu qui es salutis port9 presta mihi tuū corp9 in exitu meā mortis, libera me de9 fortis a Leone rugiente draconēque furiente Da mihi fi de iustoz qui regnas in secula seculorum. Amē. Pater noster. Ave Maria.*





*Exhortation de l'auteur de ce present liure;  
faicte en forme de Balade: Parlant à  
tous estatz du monde.*

Vous qui mirez par orgueil vostre face  
Pour regarder le corps & la vesture  
Affin que Dieu mercy plustost vous face  
Tournez icy de voz yeux l'ouuerture  
De ce liure recordez l'escripiture  
En desprisant du monde la lyesse  
A l'entendre mettez y vostre cure  
C'est le mirouer de l'ame pecheresse.

Riches & nobles qui en estatz diuers  
Et en bombans prenez vostre plaissance  
Vous n'estes riens que pasture de vers  
Peu durable, corruptible substance  
Voz beaux cheueux, vostre chair tendre &  
blanche  
En peu de temps sera mise en destresse  
Lisez icy vous qui auez soauance  
C'est le mirouer de l'ame pecheresse.

Helas que vaut à pauvre creature  
Estre honoré, prisé, souef nourry

i Le

Le corps humain n'est riens que pourriture  
 Tout le plus gros est le premier pourry:  
 En ce monde tu n'as si bon amy  
 Qui responde pour toy en ta destresse  
 Pauvre pecheur mire toy bien icy  
 C'est le mirouer de l'ame pecheresse.

Princes & Roys pensez à vostre cas  
 Vous mourrez tous, nonobstant la noblesse  
 En ce liure congnoissez voz estarz  
 C'est le mirouer de l'ame pecheresse.

*Cy apres ensuit en brief, la declaration des  
 chapitres de ce present Liure.*

Regardez tous, & foyez à deliure  
 N'oubliez pas vous mirer en ce liure  
 Car dedans luy sept chapitres comprennent  
 Pauvres pecheurs recordez les souuent  
 Et en lisez vn seul par chascun iour  
 Vous suppliant cherement par amour  
 Que les notez & mettez cure & peine  
 A y penser chascun iour de sepmaine.

*Premier chapitre.*

Vcoir vous pourrez tout cler par le premier  
 Com

Côme vous mesmes vous debuez depriser  
 Car il recite la grand fragilité  
 Et la misere, la grand calamité  
 Du pauvre estat où l'homme vient sur terre  
 Et que douleur vient au mode mort querre  
 En obtenant vie au ventre sa mere  
 Briefue & petite, en douleur & misere.

### *Second chapitre.*

Le second est de peché miserable  
 La ou il traite de peine irreparable:  
 Contempler fault ce chapitre & l'ire  
 Qui bien de Dieu si veult suiter l'ire  
 Fault son penser mettre en cœur parfait  
 Pour regarder les maux que peché fait:  
 Penſes y donc ſouuent en ta memoire  
 Et tu lairras de ce monde la gloire.  
 On trouue eſcript q̄ qui veult à Dieu plaire  
 Iamais ne doit à ſoy peché attraire  
 Ne penſe point ſe peché te compaignie  
 Au cieus entreſ ſoubz ſi villaine enſeigne  
 Regarder peux en ce chapitre cy  
 Comment leſus des pecheurs à mercy.

### *Tiers chapitre.*

Diligence de penitence faire

i a Le

Le tiers chapitre en son lieu te l'enseigne  
 Pourueoir en temps de pecher te reuerne  
 On y vient rënd quand la vieillesse gaigne  
 Dieu te promet pout triumpuant enseigne  
 Te couronner en son tressainct repaire  
 Donc ne metz pas mōtaigne sur mōtaigne  
 Mais faictz si bien qu'il n'y ayt que refaire.

*Quatriesme chapitre.*

Veux tu apres le quart ouyr traicter  
 Comment on doit fuyr le mondain mode  
 Le mauuais riche a par trop le courfier  
 Pour s'amender, qui en ses biens se fonde  
 On le peut dire par sa vie maudite  
 Et le nommer le faulx malheureux monde  
 Loing de tout bien, villain, ord, & immūde:  
 Il est sage qui le monde despite.

*Cinquiesme chapitre.*

Le pris peu de ce monde l'honneur  
 Aussi n'est ce que toute vanité  
 Aneaux, robes, de haut pris & valeur  
 Conuient laisser, c'est vn point limité:  
 Il est au quint chapitre recité  
 Regarde aux dictz, recorde bien la lettre.

Se

Se tu veux estre de tes maux acquitté  
Aux biés mōdains ne doibs ta cure mettre.

*Sixiesme chapitre.*

Pense souuent à l'heure de la mort  
Et te iuge corruptible & mortel  
Craindre te faut celle qui tousiours mort  
Et nul n'espargne aux champs ny à l'hostel  
Tu doibs viure tousiours en estat tel  
Ainsi que veux en ce monde finer  
Pourtant pense de si bien cheminer  
Que en ton viuant le vray Dieu eternal  
Si te appelle en son lieu immortel.

*Septiesme chapitre.*

Parler orras au septiesme chapitre  
Auant toute œuure des sainctz la Sainte  
gloire  
Et tost apres en horrible epistre  
Du feu d'enfer puant inaccessoire  
L'horreur terrible qui fait perdre memoire  
Entens à ce qui est dedans ce liure  
Recorde bien c'est exemple notoire  
Tu apprendras à bien mourir & viure.

. Louenge à Dieu.



